







諸葛亮出漢中疏

規模正大志
 意深遠詳味
 乃見吳魏二
 國未說有此
 人物有此文
 章否
 篇中凡十三
 引先帝宜着
 眼
 先漢後漢之
 治亂在此內
 外異法最是
 害治非深識
 治體者不能
 為此語
 侯所言軍興
 事極少而倦

臣亮言先帝創業未半而中道崩殂今天下三分益
 州疲敝此誠危急存亡之秋也然侍衛之臣不懈于
 內忠志之士忘身于外者蓋追先帝之殊遇欲報之
 于陛下也誠宜開張聖聽以光先帝遺德恢弘志士
 之氣不宜妄自菲薄引喻失義以塞忠諫之路也府
 中○宮○中○俱○為○一○體○陟○罰○臧○否○不○宜○異○同○
 幕府若有作姦犯科及為忠善者宜付有司論其刑
 賞以昭陛下平明之治不宜偏私使內外異法也侍
 中侍郎郭攸之費禕董允等此皆良實志慮忠純是

諸葛亮前出師表一

季漢

倦于進退之間

此所謂引拔賢才布列庶位

名言不刊

數句見先主孔明平日所講論者

以先帝簡拔以遺陛下愚以為宮中之事無大小
悉以咨之然後施行必能裨補闕漏有所廣益將軍
向寵性行淑均曉暢軍事試用于昔日先帝稱之曰
能是以眾議舉寵以為督愚以為營中之事無大
小悉以咨之必能使行陣和穆優劣得所也親賢臣
遠小人此先漢所以興隆也親小人遠賢臣此後漢
所以傾頽也先帝在時每與臣論此事未嘗不歎息
痛恨于桓靈也侍中尚書長史叅軍此悉貞亮死節
之臣也侍中尚書謂陳震長史叅軍謂蔣琬也此二人皆亮所進用出師後恐帝不能用故囑之
願陛下親之信之則漢室之隆可計日而待也臣本

臣本布衣
設自叙出處
之正

獻帝建安十
三年先主敗

于當陽長坂

此傾覆也先

主遣亮結好

孫權權遣與

周瑜戰曹操

于赤壁此受

任于敗軍也

先主留亮據

荊州此奉命

于危難也

名正故言順

得大臣體
此段收到攸

布衣躬耕南陽苟全性命于亂世不求聞達于諸侯
先帝不以臣卑鄙猥自枉屈三顧臣于草廬之中諮
臣以當世之事繇是感激遂許先帝以驅馳後值傾
覆受任于敗軍之際奉命于危難之間爾來二十有
一年矣先帝知臣謹慎故臨崩寄臣以大事也受命
以來夙夜憂勤恐付託不效以傷先帝之明故五月
渡瀘瀘水出牂牁郡深入不毛今南方已定甲兵
已足當帥將三軍北定中原庶竭駑鈍攘除姦凶興
復漢室還于舊都此臣所以報先帝而忠陛下之職
分也至于斟酌損益進盡忠言則攸之禕允之任也

禕處極有關

鎖

以討賊自責

以興德實攸

之等又以察

納雅言望後

主可想當日

懇惻之情

諫法用軍法

相道兼師道

使人凜慄

願陛下託臣以討賊興復之效不效則治臣之罪以告先帝之靈若無興德之言則責攸之禕允等之咎以彰其慢陛下亦宜自謀以諮諏善道察納雅言深追先帝遺詔臣不勝受恩感激今當遠離臨表涕泣不知所云

蘇

軾曰諸葛孔明不以文章自鳴而開物成務之

要綜核名寔之意自見于言語至出師二表簡而且盡直而不肆大哉言乎與伊訓說命相表裏非秦漢而下以事君為悅者所能至也

林希元曰孔明三代以上人物其議論深達治體忠
誠出自肺腑而詞氣溫厚和平一唱可以
三歎與尋常所作自別

張以忠曰忠武此表詞意暢悉志氣抒展忠義激發
爭光二曜豈獨以其文章而已

出散關疏

一篇首尾多是說事不可已之意所以不可已者以漢賊不兩立

王業不偏安故也血脈聯屬條貫統紀森然不亂宜與前表參看

出師表言辭激烈對越鬼神

神

神

神

神

神

神

先帝慮漢賊不兩立漢謂昭烈王業不偏安故託臣

以討賊也以先帝之明量臣之才故知臣伐賊才弱

敵強也然不伐賊王業亦亡慮其并惟坐而待亡孰

與伐之是故託臣而弗疑也臣受命之日寢不安席食

不甘味思惟北征宜先入南故五月渡瀘深入不毛

并日而食并兩日糧為一日食臣非不自惜也顧王業不可偏

安于蜀都故冒危難以奉先帝之遺意也而議者謂

為非計今賊適疲于西疲于西謂魏方起又務于東

曹休東與吳陸遜戰于石亭大敗兵法乘勞此進趨之時也謹陳其

條陳利害纏石畫而諷

諭之意不一而足非識時

勢者不能言非抱忠貞者

不欲言也

劉平國云秦

疏不必繁多

為文但取其

明白足以盡

事理感悟人

主而已此論

極好如伊訓

說命無逸立

政所本論只

如者葛孔明

事如左高帝明竝日月謀臣淵深然涉險被創危然

後安今陛下未及高帝謀臣不如良平而欲以長計

取勝坐定天下此臣之未解一也劉繇王郎皆當時

據州郡能談王霸後盡為孫策各據州郡繇據曲阿朗守魏郡

論安言計動引聖人羣疑滿腹眾難塞胸今歲不戰

明年不征使孫策坐大遂并江東此臣之未解二也

曹操智計殊絕于人其用兵也髣髴孫吳然困于南

陽險于烏巢袁紹拒操于官渡紹縋重萬餘在故危

于祁連西城偏于黎陽黎陽屬河朔袁譚據之曹公

幾敗北山即伯山也夏侯淵敗曹公爭漢中運米北

前後出師表
何嘗繁詞

出師二表不
必言忠而讀
之者可想見
其忠

讀表至喪趙
雲一段讀詩
至杜陵論孔
明詩真足墮
淚所謂伯仲
之間見伊呂

公引去雲搥鼓震天以大弩射
之曹公軍驚駭蹂踐墮漢水中始死潼關曹操討馬
超韓遂于
潼關操將北渡與許褚于南岸斷後超將步騎萬餘
人來奔操軍矢下如雨褚白操云賊來多乃扶上船
微緒然後偽定一時爾况臣才弱而欲以不危而定
幾危

之此臣之未解三也曹操五攻昌霸不下四越巢湖

不成

合肥東南
巢湖在焉

任用李服而李服圖之委任夏侯而

夏侯敗亡

畱夏侯淵屯守漢中
先主擊之淵授首

先帝每稱操為能猶

有此失况臣驚下何能必勝此臣之未解四也自臣

到漢中

章武五年
北駐漢中

中間基年耳然喪趙雲陽羣馬王

闇芝丁立白壽劉邵鄧銅等及曲長屯將七十餘人

突將無前賓叟青羗散騎武騎一千餘人

賓音叢
夷稅曰賓

指揮若定失亮南征南中既平皆即其渠率而用之實叟青羗皆蕭曹運移漢祚難恢復志决身殲軍務勞嗟嗟孔明之用心亦良苦矣

兩舉曹劉難料之事

此皆數十年之內所糾合四方之精銳非一州之所
有若復數年則損三分之二也當何以圖敵此臣之
未解五也今民窮兵疲而事不可息事不可息則住
與行勞費正等雖三國鼎立藉民爲兵悉師攻守住則有守城之勞行則有戰伐之苦而糧食財用皆不可闕若不伐賊而不及蚤圖之欲以
一州之地與賊持久此臣之未解六也夫難平者事
也昔先帝敗軍于楚先主將劉琦之衆過襄陽荆州人多歸之北到襄陽衆十萬餘
曹公曰江陵有軍實恐先主據之乃釋輜重輕車至
襄陽聞先主已過操將精兵五千往追之及于當陽
之長坂先主走當此時曹操拊手謂天下已定然後先
乃棄妻子走

鞠躬盡力死
而後已伸討
賊之意盡託
孤之責真足
以風萬世為
人臣者
一篇主意全
在末處歸結

帝東連吳越西取巴蜀昭烈進兵圍成都取劉璋舉兵北征夏侯

授首斬夏侯惇此操之失計而漢事將成也然後吳更違

盟關羽毀敗吳孫權遣呂蒙襲關羽定荊州秭歸蹉跌先主復仇為陸遜所敗

曹丕稱帝曹操子丕廢獻帝為山陽公自稱帝凡事如是難可逆料臣

鞠躬盡力死而後已至于成敗利鈍非臣之明所能

逆覩也

陳仁子曰國讎必報國恥必雪故古人用兵有為弔

民伐罪出者湯武是也有為復讎刷恥出

者光武是也孔明之用蜀亦難矣今年出

祁山明日出五丈原蓋其勢有不容已者

讀出師前表賢邪臧否是孔明識治道之
大規模讀出師後表偏安兩立見孔明識
立國之大本比之晏安江左者豈足以知
孔明心事哉

真德秀曰三國非無文章而獨取武侯二表者以其
發于至忠也

張以忠曰歷言臣所未解則成敗利鈍何謂不能逆
觀哉蓋有悲痛不忍言者矣篇中語語流
自丹衷洒血吐肝不能自己讀終不覺隕
涕

曹植求自試表

太和二年植還雍丘常自憤怨抱利器而無所施上疏求自試二語為臣子者一服急藥試雖未必有功憤鬱之情固自可念風雲之志令人腹首

臣植言。臣聞士之生世。入則事父。出則事君。事父尚于榮親。事君貴于興國。故慈父不能愛無益之子。仁君不能畜無用之臣。夫論德而授官者。成功之君也。量能而受爵者。畢命之臣也。故君無虛授。臣無虛受。虛授謂之謬舉。虛受謂之尸祿。詩之素食。所繇作也。昔二虢不辭兩國之任。其德厚也。且奭不讓燕魯之封。其功大也。今臣蒙國重恩。三世于今矣。正值陛下升平之際。孝經曰。明王用孝。升平致譽。沐浴聖澤。潛潤德教。史記太史公。成王作頌。沐浴膏澤。孝經曰。德教加于百姓。可謂厚幸矣。而位竊東藩。爵

神雋

爲此二方發憤

臣主相疑極矣而請兵焉何不智也

在上列身被輕煖口厭百味目極華麗耳倦絲竹者
爵重祿厚之所致也退念古之受爵祿者有異于此
皆以功勤濟國輔主惠人今臣無德可述無功可紀
若此終年無益國朝將挂風人彼已之譏詩云彼已
其是以上慙玄冕俯愧朱紱
服
一統九州晏如顧西尚有違命之蜀東有不臣之吳
使邊境未得脫甲謀士未得高枕誠欲混同宇內以
致太和也故啓滅有扈夏啓與有扈戰于甘之野而夏功昭成克
商奄而周德著史記成王東伐淮夷徐奄今陛下以聖明統世將
欲卒文武之功繼成康之隆簡賢授能以方叔邵虎

子建文甚有
骨其人亦不
弱

秀艷之中仍
自沉快覺筆
下雋氣橫越
無方

之臣鎮衛四境為國爪牙者可謂當矣然而高鳥未
挂于輕繳淵魚高鳥淵魚未懸于鈞餌者恐鈞射之
術或未盡也昔耿弇不俟光武亟擊張步言不以賊
遺于君父也耿弇討張步欲擊牛醢酒以待故車右
伏劒于鳴轂雍門刎首于齊境若此二子豈惡生而
尚死哉誠忿其慢主而陵君也齊成王出獵忽然車
王曰工人之罪也曰臣見轂鳴不見工人遂伏劒而
死雍門雋齊烈士也越伐齊寇至齊境雍門雋請死
王曰金鼓未接而死何也對曰昔車右為先君御車
轂鳴而車右自殺今越兵寇境甚于轂鳴也安得不
死乎遂伏劒而死越軍聞齊有烈士遂夫君之寵臣
退刎割也慢主為轂鳴陵君謂越兵欲以除患興利臣之事君必殺身靜亂以功報主也

植意在此

其詞其調俱

從寸心抑揚

絕無摹前入

口吻處

口腕都靈

昔賈誼弱冠求試屬國請繫單于之頸而制其命終
軍以妙年使越欲得長纓占其王羈致北闕此二臣
者豈好爲李主而曜世俗哉志或鬱結欲逞其才力
輸能于明君也昔漢武爲霍去病治第辭曰匈奴未
滅臣無以家爲夫憂國忘家捐軀濟難忠臣之志也
今臣居外非不厚也而寢不安席食不遑味者以二
方未尅爲念伏見先帝武臣宿兵年耆卽世者有聞
矣雖賢不乏世宿兵奮卒繇習戰也竊不自量志在
效命庶立毛髮之功以報所受之恩若使陛下出不
世之詔效臣錐刀之用使得西屬大將軍當一校之

筆致多淋漓
慷慨

一然一否反
覆情盡

比陳孔璋文
于畫大而埒
朝士于養豕
不開太字罵
人一案

瑟雖工其如
談虎色變何

隊若東屬大司馬。統偏師之任。必乘危蹈險。騁舟奮
驪突刃。觸鋒爲士卒先。雖未能擒權馘亮。庶將虜其
雄卒。殲其醜類。而效須臾之捷。以滅終身之愧。使名
挂史筆。事列朝榮。雖身分蜀境。首懸吳闕。猶生之年
也。如微才弗試。沒世無聞。徒榮其軀。而豐其身。生無
益于事。死無損于數。虛荷上位。而忝重祿。禽息鳥視。
終于白首。此徒圜牢之養物。非臣之所志也。流聞東
軍失備。師徒小衄。輟食棄餐。奮袂攘袵。撫劒東顧。而
心已馳于吳會矣。臣昔從光武皇帝南極赤岸。東臨
滄海。西望玉門。北出玄塞。伏見所以行師用兵之勢。

英風雋氣神
思流溢

植是時遭謗
貶王故云然

可謂神妙也。志欲自效于明時，立功于聖世。每覽史籍，觀古忠臣義士，出一朝之命，以徇國家之難。身雖屠裂而功勳著于景鐘，名稱垂于竹帛，未嘗不撫心而歎息也。臣聞明主使臣，不廢有罪，故奔北敗軍之將，用秦魯以成其功。秦將孟明氏為晉所敗，復使為政卒，敗晉兵。魯將曹沫與齊戰，三敗魯懼，割邊邑之地以和。後齊桓與魯君會于柯桓，公登壇，沫執匕首劫桓公，乃盡還侵魯之地。絕纓盜馬之臣，赦而楚趙以濟其難。楚莊王與羣臣夜晏，燭滅，有引王美人衣者，美人乃絕其纓以告王曰：「飲人酒，如何責人以禮？」乃命羣臣皆絕纓。然後舉火，楚與晉戰，有人力戰斬首以退，問之乃前絕纓者。穆公失馬，野人取之，公自求之，見野人方食之，公曰：「食駿馬肉，不飲酒，恐傷汝。」徧飲而去。後晉人與穆公戰，公為晉兵環之，野人率三百餘人，力疾鬪，大剋晉，及獲惠公，以歸。此秦

其情淒而志激低徊宛曲盤旋無限

事而言趙者

臣竊見先帝早崩威王棄世臣獨何人

以堪長久○常恐先朝露填溝壑墳土未乾而聲名竝

滅○臣聞騏驥長鳴○伯樂昭其能○戰國策騏驥負轅不

樂知其為驥也○盧狗悲號○韓高彥曰韓國之盧國知其才是

以效之○齊秦之路以逞千里之任○試之狡兔之捷以

驗搏噬之用○今臣志狗馬之微功○竊自惟度○終無伯

樂○韓國之舉是以於邑而竊自痛者也○夫臨博而企

竦○博局戲也○企舉踴也○竦猶立也○聞樂而竊拊者○或有賞音而識道

也○昔毛遂趙之陪隸○猶假錐囊之喻○以寤主立功○秦

邯鄲趙使平原君求救于楚平原君選何况巍巍大

秦才知已之難千載偕痛

困以哀怨君
所未知不察
失身蓋嘗試
焉

魏多士之朝而無慷慨死難之臣乎。夫自銜自媒者。士女之醜行也。干時求進者道家之明忌也。而臣敢陳聞于陛下者。誠與國分形同氣。憂患共之者也。冀以塵霧之微。補益山海。楊喬曰。猶塵附泰山。霧集滄海。雖無補益。猶不敢默。螢燭末光。增暉日月。是以敢冒其醜。而獻其忠。知必為朝士所笑。聖主不以人廢言。伏惟陛下少垂神聽。臣則幸矣。

王世貞曰。英英露奇。惓惓陳悃。有才有識之文。

張以忠曰。委蛇悽惋。慷慨激昂。罄文士之情。極才人

之致。宜其縱橫一代。領袖諸豪。

求通親親表

植以文帝不聽諸王入朝上疏求存問親戚自致其意時太和五年魏晉以來卑境第一能手宜其目中無陳琳諸子也

臣植言。臣聞天稱其高者。以無不覆。地稱其廣者。以無不載。日月稱其明者。以無不照。江海稱其大者。以無不容。故孔子曰。大哉堯之爲君。惟天爲大。惟堯則之。夫天德于萬物。可謂弘廣矣。蓋堯之爲教。先親後疎。自近及遠。其傳曰。克明峻德。以親九族。九族既睦。平章百姓。及周文王亦崇厥化。其詩曰。刑于寡妻。至于兄弟。以御于家邦。是以雍雍穆穆。風人詠之。昔周公弔管蔡之不成。廣封懿親。以藩屏王室。傳曰。周之宗盟。異姓爲後。誠骨肉之恩。爽而不離也。親親之

義是在敦固未有義而後其君仁而遺其親者也伏

惟陛下咨帝唐欽明之德體文王翼翼之仁惠洽椒

房

皇后稱椒房

恩昭九族羣臣百寮番休遞上執政不廢

於公朝下情得展于私室親理之路通慶弔之情展

誠可謂恕已治人推惠施恩者矣至于臣者人道絕

緒禁錮明時臣竊自傷也不敢乃望交氣類修人事

叙人倫近且婚媾不通兄弟永絕吉凶之間塞慶弔

之禮廢恩紀之違甚于路人隔闕之異殊于胡越今

臣以一切之制永無朝覲之望至于注心皇極結情

紫闥

紫闥禁闥也

神明知之矣然天實爲之謂之何哉退

我躬不閱遑恤我後深于

陋者也子建
有詩人之旨

矣

雅人之語雅
人之志

才甚旨意甚
恒情甚真可
歎可涕汲黯
以忠直願入
禁闥植以文
章願侍左右
各有所好

惟諸王常有戚戚具爾之心願陛下沛然垂詔使諸
國慶問四節得展以叙骨肉之歡恩全怡怡之篤義
妃妾之家膏沐之遺歲得再通齊義于貴宗等惠于
百司如此則古人之所歎風雅之所詠復存于聖世
矣臣伏自惟省無錐刀之用及觀陛下之所拔授若
以臣為異姓竊自料度不後于朝士矣若得辭遠游
戴武弁武弁武冠解朱組佩青紱組紱皆綬也駙馬奉車趣
得一號駙馬謂都尉也奉車掌御之官趣疾也安宅京室執鞭珥筆珥
也也揮筆謂侍中職岑彭謂鮪曰彭往者得
執鞭侍從珥筆戴筆也張安世持橐替筆
入侍輦轂華蓋輦轂天子車飾也承答聖問拾遺左右乃臣冊

慷慨于辭善
挑人隱腸

此才人之所
搔者也

語若依人

情之至願不離于夢想者也。遠慕鹿鳴君臣之晏中。
 詠棠棣匪他之誠。毛詩曰鹿鳴燕君臣嘉賓也棠棣燕兄弟也下思伐木。
 友生之義。伐木燕朋友故舊也終懷蓼莪罔極之哀。每四節之。
 會塊然獨處。左右唯僕隸所對。惟妻子高談。無所與。
 陳發義無所與展。未嘗不聞樂而拊心。臨觴而歎息。
 也。臣伏以為犬馬之誠不能動人。譬人之誠不能動。
 天崩城隕霜。臣初信之以臣心。况徙虛語。爾若葵藿。
 之傾葉。淮南子曰葵之與日雖不能終始然其鄉之者誠也太陽雖不為廻光。
 然向之者誠也。葵藿草也臣竊自比葵藿。若降天地。
 之施垂三光之明者。寔在陛下。臣聞文子曰。不為福。

難亦以決潰
為快包藏不
測不如言之
此正子建遠
言處悲哉

始不為禍先。今之否。隔友于同憂。友于兄弟而臣獨唱言者何也。竊不願于聖世。使有不蒙施之物。必有慘毒之懷。故栢舟有天。只詩栢舟曰母也天只不諒人只之怨。谷風有棄予。谷風曰將安將樂汝轉棄予之歎。伊尹耻其君不為堯舜。孟子曰。不以舜之所以事堯。事其君者。不敬其君者也。臣之愚蔽固。非虞伊。至于欲使陛下崇光被時雍之美。宣緝熙章明之德者。是臣悽悽之誠。竊所獨守。寔懷鶴立企佇之心。敢復陳聞者。鶴立不專申也冀陛下儻發天聰而垂神聽也。

李夢陽曰。曹丕席父業。逼禪。據尊。乃不效重本敦族。

之計而顧凋剪枝幹委心異族有弟如植
俾之危疑禁錮睹事扼腕予于是知魏之
不競矣

郭正域曰揚光露采不能自閔命世之豪

張以忠曰此與求自試總是寫出鬱勃至情以見本
意之無他詞逾慷慨而志彌苦矣其文特婉

轉流麗風雅溫醇一時獨步

與楊德祖書

植蓋自負文
妙一世論仲
宣諸人雖或
擅場而未能
一舉千里也

稱修文最高
故獨云高視

數日不見思子爲勞想同之也。僕少小好爲文章。迄
至于今二十有五年矣。然今世作者可略而言也。昔
仲宣獨步於漢南。孔璋鷹揚於河朔。偉長擅名於青
土。公幹振藻於海隅。德璉發跡於北魏。足下高視於
上京。當此之時。人人自謂握靈蛇之珠。家家自謂抱
荆山之玉。吾王於是設天網以該之。頓八紘以掩之。
崔寔曰舉彌天之網以羅海內之雄淮南
子曰九州之外有八澤八澤之外有八紘
今悉集茲國矣。然此數子猶復不能飛騫。
或作軒字絕跡一舉千里也。以孔璋之才。不閑於辭賦。而多自謂能與司馬長

卽此一事便
卓越千古

植有自任意
其寔非諸子
所及

卿同風譬畫虎不成反爲狗者也。前有書嘲之反作
論盛道僕讚其文。夫鍾期不失聽於今稱之。吾亦不
能妄歎者。畏後世之嗤余也。世人著述不能無病。僕
常○好○人○譏○彈○其○文○有○不○善○應○時○改○定○昔○丁○敬○禮○常○作
小○文○使○僕○潤○飾○之○僕○自○以○才○不○過○若○人○辭○不○爲○也○敬
禮謂僕卿何所疑難。文之佳惡。吾自得之。後世誰相
知。定吾文者耶。吾常欲此達言。以爲美談。昔尼父之
文辭。與人流通。至於制春秋。游夏之徒。乃不能措一
辭。過此而言不病者。吾未之見也。蓋有南威之容。乃
可以論於淑媛。有龍淵之利。乃可以利於斷割。劉季

緒

劉表

才不能逮於作者而好詆訶文章倚

倚居蟻反偏引

也

據石反

利病昔田巴毀五帝罪三王訾五霸於稷

下一旦而服千人魯連一說使終身杜口

魯仲連聞田巴毀五

帝往見而謂曰如先生之言有似梟音人皆惡之田巴於是杜口易業終身不談

劉生之辯

子建蓋以今之仲連自許

未若田氏今之仲連求之不難可無歎息乎人各有

如此說性情乃至

好尚蘭茝蓀蕙之芳衆人所好而海畔有逐臭之夫

咸池六莖

昔有人身大臭妻妾親戚無能與居此人

之發衆人所共樂而墨翟有非之之論豈可同哉今

觀此文子建多自出脫語

往僕少小所著辭賦一通

班固集曰擊轅相杵亦足樂也

相與夫街談巷說必有可

采擊轅

班固集曰擊轅相杵亦足樂也

之歌有應風雅匹夫之思未

多自占地步
語亦信其文
之必傳也

辭賦小道果
未足以揄揚
大義彰示來
世

易○輕○棄○也○辭○賦○小○道○固○未○足○以○揄○揚○大○義○彰○示○來○世○
也○昔○楊○子○雲○先○朝○執○戟○之○臣○耳○猶○稱○壯○夫○不○爲○也○吾○
雖○薄○德○位○爲○蕃○侯○猶○庶○幾○戮○力○上○國○流○惠○下○民○建○永○
世○之○業○流○金○石○之○功○豈○徒○以○翰○墨○爲○勲○績○辭○賦○爲○君○
子○哉○若○吾○志○未○果○吾○道○不○行○則○將○采○庶○官○之○實○錄○辯○
時○俗○之○得○失○定○仁○義○之○衷○成○一○家○之○言○雖○未○能○藏○之○
於○名○山○將○以○傳○之○於○同○好○非○要○之○皓○首○豈○今○日○之○論○
乎○其○言○之○不○慙○恃○惠○子○之○知○我○也○明○早○相○迎○書○不○盡○

懷

臨淄侯以才捷愛幸
秉意拔修數與修書

郭正域曰今少負時名輒沾沾自喜者聞子建之風

可以少媿

張以忠曰此書見地甚高持論甚偉曠懷奇致亦足
想見一班

又曰班史而後文章妙一世者唯蔡中郎與曹
子建俱是天才駿發獨濬靈根不走前人
繩尺故能各臻神妙

古今文編

卷八

七

與吳質書

前日雖因常調常會得為密坐接席雖讌飲彌日其於別

遠會稀猶不盡其勞積也若夫觴酌陵波于前蕭笳

發音於後足下鷹揚其體鳳觀虎視鳳喻文虎喻武謂蕭曹

不足儔衛霍不足侔也左顧右盼謂若無人豈非君

子壯志哉過屠門而大嚼雖不得肉貴且快意喻有文武

之道雖不見當斯之時願舉泰山以為肉傾東海以

為酒伐雲夢之竹以為笛斬泗濱之梓以為箏食若

填巨壑飲若灌漏卮其樂固難量豈非大丈夫之樂

哉然日不我與曜靈日也急節遷移也面有過景之速謂面

此段俠氣豪

風凌轡千古

曹臨淵在當

時有才不得

大用故托之

豪放如此

然日不我與

至如何是借

日之短以見

已交誼可謂

文中有益

板淮南子云

日出干陽谷

浴于咸池拂

于扶桑是謂
晨明夜則至

相見別有

參商之潤

參商二星常不相見

思欲抑六龍之首頓

于悲泉爰息
其馬是謂縣

義和之轡

六龍日車義和日御抑之頻之使光陰少留

折若木之華

折取若木

車至于虞淵
是謂黃昏至

以拂日使

閉濛汜之谷

濛汜日入處閉之使日不得入

天路高邈良

于蒙谷是謂
定昏日入于

無繇緣懷戀反側如何如何得所來訊文采委曲曄

虞淵之汜曙
于蒙谷之浦

若春榮瀏若清風申詠反覆曠

遠也若復面見也

其諸

此篇所謂頓
義和之轡閉

賢所著文章想還所治

朝歌是吳質所治之處

復申詠之也可

濛汜之谷蓋
本此

令憲

僖

事小史諷而誦之夫文章之難非獨今也古

名喻
此數語思巧

之君子猶亦病諸家有千里驥而不玃焉人懷盈尺

而意佳言墨
奮不好樂而

和氏而無貴矣

言驥及和氏以希有故貴耳今若家有千里人懷盈尺即驥及和氏寧得

朝歌不好樂
何益過之而

珍貴

夫君子而不知音樂古之達論謂之通而蔽墨

迴車是彼有
不知樂之蔽
也足下正值
此縣亦助我
張目怒之

翟○不○好○技○何○爲○過○朝○歌○而○迴○車○乎○足○下○好○技○而○正○值○
墨○氏○迴○車○之○縣○想○足○下○助○我○張○目○也○又○聞○足○下○在○彼○
自○有○佳○政○夫○求○而○不○得○者○日○有○之○矣○未○有○不○求○而○自○
得○者○也○且○改○轍○易○行○非○良○樂○之○御○王良伯樂易民而治非
楚○鄭○之○政○楚叔敖鄭子產願足下勉之而已矣
鄒 泉曰此書清越如秋水圓轉如盤珠至叙交情
處餘情和種末規爲政處美意殷殷

張以忠曰氣豪神駿

古今文統

卷八

七

李密陳情表

歷叙平生辛
苦令人酸楚
其孝心誠切
溢於言外而
辭氣溫厚和
平又若自肺腑
流出不是尋
常文字典
孔明出師表
殆不相遠
察臣舉臣拜
臣除臣文法
亦錯落可喜

臣以險釁。夙遭閔凶。生孩六月。慈父見背。行年四歲。舅奪母志。祖母劉愍臣孤弱。躬親撫養。臣少多疾病。九歲不行。零丁孤苦。無所依倚至于成立。既無叔伯。終鮮兄弟。門衰祚薄。晚有兒息。外無期功強近之親。內無應門五尺之童。孳孳立形影相弔。惟形與影自相弔問而劉夙嬰疾病。常在牀蓐。臣侍湯藥。未嘗廢離。逮奉聖朝。沐浴清化。前太守臣逵察臣孝廉。後刺史臣榮舉臣秀才。臣以供養無主。辭不赴會。詔書特下。拜臣郎中。尋蒙國恩。除臣洗馬。猥以微賤。當侍東宮。非臣隕首。

所能上報。臣具以表聞。辭不就職。詔書切峻。責臣逋

慢。怠郡縣逼迫。催臣上道。州司臨門。急於星火。臣欲

奉詔奔馳。則以劉病日篤。欲苟順私情。則告訴不許。

臣之進退實為狼狽。狼前二足長後二足短狼前二

無狼不行若相伏惟聖朝以孝治天下。凡在故老。猶

蒙矜育。況臣孤苦。特為尤甚。且臣少事偽朝。歷職郎

署。官至尚書郎本圖宦達。不矜名節。今臣亡國賤俘。至微

至陋。過蒙拔擢。豈敢盤桓。有所希冀。但以劉日薄。迫

西山。氣息奄奄。人命危淺。朝不慮夕。臣無祖母。無以

至今。日祖母無臣。無以終餘年。母孫二人更相為命。

密本蜀人先主帝室之胄紹漢正統名正言順非曹操漢賊之比密又在孝子順孫之列亡歸晉尤當不忘舊君何忍自稱蜀為偽朝乎讀此母為不滿

告終養文之
祖

迫切之情堪
以流淚

是以區區不能廢遠。臣密今年四十有四。祖母劉今
 年九十有六。是臣盡節於陛下之日長。報劉之日短
 也。烏鳥私情。願乞終養。其母臣之辛苦。非獨蜀之
 人士及二州牧伯所見。明知皇天后土實所共鑒。願
 陛下矜愍愚誠。聽臣微志。庶劉僥倖。卒保餘年。臣生
 當隕首。死當結草。魏武子有妾病亟。又曰殺以殉葬。及死。嫁此妾病亟。又曰殺以殉葬。及死。
穎曰：寧從治時命而嫁之。及秦晉之戰，魏穎見老人結草以抗杜回，回躡而顛，遂獲之。後穎夢老人云：我乃所嫁婦人之父也。爾從先人之治命，予是以報耳。臣不勝犬馬怖懼之情。謹
 拜表以聞。按李密字令伯，父早亡，母更適人。密養於祖母，以孝聞。侍疾日夜未常解帶。蜀亡，晉主徵為太子洗馬。密上表解官，帝嘉其誠，賜奴婢二人，使郡縣供祖母奉膳。祖母卒，服終，遷漢中太守。後

以遷遲怨望
獲罪竟死

李格非曰諸葛孔明出師表劉伶酒德頌陶淵明歸
去來辭李令伯乞養親表皆沛然如肺腑
中流出殊不見斧鑿痕此數君子在漢之
末兩晉之間初未嘗欲以文章名世而其
辭意超邁如此是知文章以氣爲主氣以
誠爲主

張以忠曰流自至情不覺言言欵惻

又曰僞朝一語久爲論者不滿然或經當時史
臣之筆固未可輕訾也

王羲之蘭亭序

此文叙景感懷綽有佳致

永和元年晉末帝年號歲在癸丑暮春之初會于會稽山

陰之蘭亭修禊禊除不祥也事也韻語陽秋云上已於流

梁昭明太子以天朗氣清四字類秋景

謂之被禊修者潔也羣賢畢至少長咸集此地有崇山峻領茂

故不入文選然天氣晴朗

林修竹又有清流激湍映帶左右引以為流觴曲水

春秋皆有之原非謂清秋也

列坐其次雖無絲竹管絃之盛一觴一詠亦足以暢

詞氣甚瀟灑

叙幽情是日也天朗氣清惠風和暢仰觀宇宙之大

俯察品類之盛所以游目騁懷足以極視聽之娛信

此下極言死生之變使人

可樂也已上言蘭亭景物之善夫人之相與俯仰一世或取諸

現此文之終而意愈無窮

情隨事遷是上下文之關鍵

一游一咏而寓許大感慨所以傳世

取○舍○萬○殊○靜○躁○不○同○當○其○欣○於○所○寓○暫○得○於○已○快○然○
自○足○曾○不○知○老○之○將○至○及○其○所○之○也○往○既○倦○情○隨○事○遷○
感○慨○係○之○矣○向○之○所○欣○俛○仰○之○間○以○為○陳○迹○猶○不○能○
不○以○之○興○懷○況○修○短○隨○化○終○期○於○盡○古○人○云○死○生○亦○
大○矣○豈○不○痛○哉○每○覽○昔○人○興○感○之○由○若○合○一○契○未○嘗○
不○歸○文○嗟○悼○不○能○喻○之○於○懷○固○知○一○死○生○為○虛○誕○齊○
彭○殤○為○妄○作○後○之○視○今○亦○猶○今○之○視○昔○悲○夫○故○列○叙○
時○人○錄○其○所○述○雖○世○殊○事○異○所○以○興○懷○其○致○一○也○後○
之○覽○者○亦○將○有○感○于○斯○文○

歸有光曰此篇當與春夜宴桃李園序參看其逸思

高致若出一人之手李崆峒每喜讀之以
爲奇絕

張以忠曰逸少命世之才故非任意故浪者此文逸
情高致寄托政遠

古今文系

卷ノ

袁宏三國名臣贊序

采局發論俱
有繩尺而俊
逸之氣時隱
現其間

品蒸處沛乎
有餘文法幻
變

序有格言

世道衰微

夫百姓不能自治。故立君以治之。明君不能獨治。則
爲臣以佐之。然則三五迭隆。歷世承基。揖讓之與干
戈。文德之與武功。莫不宗匠陶鈞。鄧析子曰。聖人宰
匠萬物之形。鄒陽
曰。聖人制世御俗。獨運于陶鈞之上。而羣才緝熙。元首經略。而肱股肆
力。雖遭離不同。且跡有優劣。至于體分冥固。道契不
墜。風靡所扇。訓革千載。其揆一也。至于爲君之體。爲
臣之分。冥應之理。
堅固道合之義。不墜則風聲靡被。可以訓戒千載。故二八舜舉八元八愷
用之于堯時也。升
而唐堯盛。伊呂用。而湯武寧。三賢進而小白興。五臣
顯而重耳霸。中古陵遲。斯道替矣。居上者。不以至公。

文法又宕

語有分曉

理○物○爲○下○者○必○以○私○路○期○榮○御○圓○者○不○以○信○誠○率○衆○
執○方○者○必○以○權○謀○自○顯○呂氏春秋主執圓臣處方于是君臣離而
名○教○薄○世○多○亂○而○時○不○治○故○遽○甯○以○之○卷○舒○柳○下○以○
之○三○黜○接○輿○以○之○行○歌○魯○連○以○之○赴○海○衰○世○之○中○保○
持○明○節○君○臣○相○體○若○合○符○契○則○燕○昭○樂○毅○古○之○流○也○
夫○未○遇○伯○樂○則○千○載○無○一○驥○時○值○龍○顏○則○當○年○控○三○
傑○漢○之○得○材○于○斯○爲○貴○高○祖○雖○不○以○道○勝○御○物○羣○下○
得○盡○其○忠○蕭○曹○雖○不○以○三○代○事○主○百○姓○不○失○其○業○靜○
亂○庇○人○抑○亦○其○次○夫○時○方○顛○沛○則○顯○不○如○隱○萬○物○思○
治○則○默○不○如○語○是○以○古○之○君○子○不○患○弘○道○難○遭○時○難○

漢文賢主賈
生不見用與

無君同非為
當時無明君

也

苟或

文若之死縱
未得稱忠然

較之華歆仗
劔漢廷逼帝

禪不畢竟天
壤

苟敗

二句優劣具

遭時不難遇君難故有道無時孟子所以咨嗟有時

無君賈生所以垂泣夫萬歲一期有生之通塗桓子新論

曰夫聖人乃千載一期莊子曰萬世之後千載一遇

而一遇大聖知其解者是旦暮遇之也

賢智之嘉會遇之不能無欣喪之何能無慨古人之

言信有情哉余以暇日常覽國志考其君臣比其行

事雖道謝先代亦異世一時文若懷獨見之明而有

救世之心論時則民方塗炭計能則莫出曹公故委

而霸朝豫議世事舉才不以標鑒故久之而後顯籌

畫不以要功故事至而後定雖亡身明順識亦高矣

董卓之亂神器遷偏公達慨然志在致命繇斯而談

見

崔琰

古今文統

卷八

二十四

五

故以大存名節至此身為漢隸而跡入魏幕源流取舍其亦文若之謂所以存亡殊致始終不同將以文若既明名教有寄乎

言文若殞身既明仁義之道且寄迹于名教之地也

夫仁

義不可以不明則時宗舉其致生理不可以不全故達識攝其契相與弘道豈不遠哉崔生高朗折而不撓所以策名魏武執笏霸朝者蓋以漢主當陽魏后北面者哉若乃一旦進璽君臣易位則崔子所以不與魏武所以不容夫江湖所以濟舟亦所以覆舟仁義所以全身亦所以亡身然而先賢玉摧于前來哲攘袂于後豈非天懷發中而名教束拘

拘一作物

者乎孔

諸葛亮

數語已足盡
武侯生平矣

周瑜

張昭

明盤桓俟時而動遐想管樂遠明風流治國以禮民
 無怨聲刑罰不濫沒有餘泣雖古之遺愛何以加茲
 及其臨終顧命受遺作相劉氏授之無疑心武侯受
 之無懼色繼體納之無貳情百姓信之無異辭君臣
 之際良可詠矣公瑾卓爾逸志不羣總角料主則素
 契于伯符孫堅字伯符晚節曜奇則參分于赤壁惜其齡
 促志未可量子布佐策致延譽之美輟哭止哀有翼
 戴之功孫策卒以事授權權哭未及息張昭謂之曰
孝廉此寧哭時耶乃扶權上馬使出巡軍士
 神情所涉豈徒害諤而已哉然而杜門不用登壇受
 譏權以公孫淵稱蕃遣張彌至遼東拜淵為燕王昭
諫不聽稱疾不朝權恨之以土塞其門昭又于內

蘇子瞻題三國名臣贊曰

西漢之士多智謀薄于名

義東京之士尚風節短于

權略兼之者三國名臣也

而孔明巍然三代王者之

佐未易以世論

以立封之權既即位歸功周瑜昭舉笏欲褒贊功德未及言權曰如張公計今已乞食矣昭大慙伏地流汗夫一人之身所昭未異而用捨之間俄有不同况

沉跡溝壑遇與不遇者乎夫詩頌之作有自來矣或

以吟詠情性或以述德顯功雖大旨同歸所託或垂

若夫出處有道名體不滯風軌德音為世作範不可

廢也故復撰序所懷以為之贊云魏志九人蜀志四人吳志七人

敖鯤曰說出古今君臣離合意思大略都盡而體

格嚴整聞見疊出反覆讀熟可為一唱三

嘆

張鳳翼曰序所列魏國人才皆取其為漢秉義甚得

子奪微權

張以忠曰低昂衡量故自不爽而格調清嚴神情疎越更不可及

又曰贊計二十人而序中六人蓋尤所亟賞者
歟每叙一人輒間發議論極其蘊籍

古今通纂

卷八

此文鏗鏘恠

奕最饒古趣

亮父琰為會稽太守亮少

時隨父會稽

元帝聘亮妹

為皇太子妃

庾亮讓中書監表

臣亮言。臣凡庸固陋。少無檢操。昔以中州洛陽多故。舊邦喪亂。隨侍先臣。遠庇有道。元帝爰客逃難。求食而已。不悟邀時之福。遭遇嘉運。先帝龍興。垂異常之顧眷。同國士。又申之婚姻。遂階親寵。累忝非服。弱冠濯綌。沐浴玄風。頻繁省闕。出總六軍。繁多也十餘年間。位超先達。無勞被遇。無與臣比。小人祿薄。福過災生。止足之分。臣所宜守。而儉榮昧進。日爾一日。謗譟既集。上塵聖朝。始欲自聞。而先帝登遐。區區微誠。竟未上達。陛下踐祚。聖政維新。宰輔賢明。庶寮咸允。康哉之歌。

一篇之旨奉
得明醒

其心事可使
在城市而不
喧

七族謂呂霍

上官趙下傳

上也六姓二

實閭閻深何

也並進也

微姬戚而進

也

雖寒微每見

容

實○在○至○公○而○國○恩○不○已○復○以○臣○領○中○書○則○示○天○下○以○
私○矣○何○者○臣○于○陛○下○后○之○兄○也○亮明穆皇后兄也姻○婭○之○嫌○
實○與○骨○肉○中○表○不○同○雖○太○上○至○公○聖○德○無○私○然○世○之○
喪○道○有○自○來○矣○悠○悠○六○合○皆○私○其○姻○者○也○人○皆○有○私○
則○謂○天○下○無○公○矣○是○以○前○後○二○漢○咸○以○抑○后○黨○安○進○
婚○族○危○向○使○西○京○七○族○東○京○六○姓○皆○非○姻○黨○各○以○並○
進○縱○不○悉○全○決○不○盡○敗○今○之○盡○敗○更○繇○姻○昵○臣○歷○觀○
庶○姓○在○世○無○黨○于○朝○無○援○于○時○植○根○之○本○輕○也○薄○也○
苟○無○大○瑕○猶○或○見○容○至○于○外○戚○憑○託○天○地○勢○連○四○時○
根○援○扶○疎○重○矣○大○矣○而○財○居○權○寵○四○海○側○目○事○有○不○

庾公識此亦
非實意梁興
之比而滿極
而溢卒取禍
故豈真富貴
弱人耶

清真玄遠

盡情暴白心
事祖夷

二相謂王敦
王導

允○罪○不○容○誅○身○既○招○殃○國○爲○之○弊○其○故○何○耶○直○繇○婚○
媾○之○私○羣○情○之○所○不○能○免○故○率○其○所○嫌○而○嫌○之○于○國○
是○以○疎○附○則○信○姻○進○則○疑○疑○積○于○百○姓○之○心○則○禍○成○
重○闔○之○內○矣○此○皆○往○代○成○鑒○可○爲○寒○心○者○也○夫○萬○物○
之○所○不○通○聖○賢○因○而○不○奪○冒○親○以○求○一○才○之○用○未○若○
防○嫌○以○明○公○道○今○以○臣○之○才○兼○如○此○之○嫌○而○使○內○處○
心○膂○外○總○兵○權○以○此○求○治○未○之○聞○也○以○此○招○禍○可○立○
待○也○雖○陛○下○二○相○明○其○愚○歟○朝○士○百○僚○頗○識○其○誠○天○
下○之○人○何○可○門○到○戶○說○使○皆○坦○然○耶○夫○富○貴○寵○榮○臣○
所○不○能○忘○也○刑○罰○貧○賤○臣○所○不○能○甘○也○今○恭○命○則○愈○

觀其詞氣則
富貴寵榮所
不能忘却是
真是語

違命則苦。臣雖不達何事。背時違上。自貽患責。耶。實
仰覽殷鑒。量已知弊。身不足惜。爲國取悔。是以怛怛。
屢陳丹款。而微誠淺薄。未垂察諒。憂惶屏營。不知所
厝。以臣今地。不可以進明矣。且違命已久。臣之罪又
積矣。歸骸私門。以待刑書。願陛下垂天地之鑒。察臣
之愚誠。則雖死之日。猶生之年矣。

張以忠曰。此表於戚黨之禍。遠覽深慮。似非無見。然
其旨要在避嫌。免禍。永固寵榮。殊無畏盈
懼滿之意。所以後來幾與六姓七族同歸
覆敗。

假山靈而言

首假山靈勒

移之意泛論

夫先處而後

出者尚未說

八事寔筆氣

瀟洒寫景絕

似芥字疑字

下得甚工

孔德璋北山移文

鍾山之英。草堂之靈。馳烟驛路。勒移山庭。夫以耿介

拔俗之標。瀟灑出塵之想。度白雪以方潔。干青雲而

直上。吾方知之矣。若乃亭亭物表。皎皎霞外。芥千金

而不盼。徒萬乘其如脫。淮南子曰。堯年表志。堯舉天

也。聞鳳吹於洛浦。周靈王太子晉吹笙。值薪歌於延

瀨。蘇門先生游於延瀨。見一人採薪。謂曰。子固亦有

焉。豈期始終參差。蒼黃反覆。淚翟子之悲慟。朱公之

哭。始終參差。岐路也。蒼黃反覆。素絲也。翟墨翟也。朱

楊朱也。楊子見岐路而哭之。為其可以南。可以北。墨子見練絲而泣之。乍迴迹以心染。或先貞而後黷。

先貞後黷暗

為其可以黃。可以黑。

說人周子語
憂金石讀之
令人賞心
畱
盼不能已已

俊言諧舌

何其謬哉。嗚呼。尚生不存。尚長仲氏既往。統仲長山阿。

寂寥千載。誰賞世有周子。謂雋俗之士。既文既博。亦

玄亦史。然而學遁東魯。莊子魯君聞顏闔得道人也。使人以幣先焉。顏闔守陋間。

使者至曰。此顏闔之家歟。闔曰。此闔之家。使者致幣。曰。恐聽謬而遺使者罪。不若審之。使者反審之。復來。

求之。則亦不習。隱南郭。莊子南國子綦隱凡而竊吹。

可得者也。草堂濫巾北岳。言顯盜名草堂濫服幅。誘我松桂欺。

我雲壑。雖假容於江臯。乃纓情於好爵。其始至也將。

欲排巢父。拉許由。傲百世。蔑王侯。風情張日。霜氣橫。

秋。或歎幽人長往。或怨王孫不游。談空空於釋部。覈。

玄玄於道流。務光何足比。列仙傳務光夏時人。湯代桀。因光而謀。湯得天下已。

風雲泉石林
盡草木四句
極力描寫

而讓光光遂負涓子不能儔涓子齊人餌水及其鳴

石沉河而自匿駟入谷鶴書赴隴鶴書鶴頭帶書形馳魄散志變神動爾乃

眉軒席次袂聳筵上焚芰製而裂荷衣抗塵容而走

俗狀風雲棲其帶憤泉石咽而下愴望林巒而有失

顧草木而如喪至其紐金章綰黑綬金章銅印也漢書秩六百石以

上者皆銅印黑綬也誇屬城之雄冠百里之首張英風於海甸

馳妙譽於浙右道帙長擯法筵久埋敲朴誼囂犯其

慮牒訴倥偬倥偬苦也窮困也不暇給也倥俗作宗裝其懷琴歌既斷

酒賦無續常綢繆於結課每紛綸於折獄龍張趙於

往圖漢張敞遷至山陽太守趙廣漢為架卓魯於前

陽翟令以化行有異遷京輔都尉

孔德璋北山移文二

東漢

錄

後漢卓茂遷密令吏不忍欺魯恭拜中牟令蝗不入境

希蹤三輔豪馳聲九

州牧

漢書內史武帝更名京兆尹左內史更名左馮翼主爵中尉更名右扶風是為三輔左傳曰夏

王介甫喜誦雅圭移文愛

其高霞孤映

明月獨舉清

松落陰白雲

誰侶之句以

為奇絕蓋其

用字用句全

是推敲出來

目爾膾炙人

口

以下又假山矣之意移之

月○騁○西○山○之○逸○議○

西山乃首陽山也夷齊歌曰登彼西山兮採其薇矣

馳東臯

林○慙○無○盡○澗○愧○不○歇○

非林間之慙乃周子之愧

秋○桂○遣○風○春○蘿○擺○

爭○譏○攢○峯○竦○詭○慨○游○子○之○我○欺○悲○無○人○以○赴○弔○故○其○

故曰海岸蘭蘭佩也

於○是○南○嶽○獻○嘲○北○隴○騰○笑○列○壑○

人○去○今○曉○猿○驚○昔○聞○投○簪○逸○海○岸○今○見○解○蘭○縛○塵○纓○

竚○至○於○還○颺○

音入

幕○寫○霧○出○楹○蕙○帳○空○今○夜○鶴○怨○山○

松○落○陰○白○雲○誰○侶○礪○戶○摧○絕○無○與○歸○石○逕○荒○涼○徒○延○

不許再至句
法遒勁詞氣
飄逸
叙述山靈訊
朝慚愧之狀
無一毫烟火
氣

剪截結撥更
奇思逸趣
讀之兩腋生
風

之素謁今乃促裝下邑浪棧音上京雖情投于魏闕

宮門也言其或假步於山宿豈可使芳杜厚顏薜荔

高大巍巍然

蒙耻下根可為叢蒙耻無耻也碧嶺再辱丹崖重滓

毀也言山之草木且羞見周子塵游躅於蕙路躅踪

周子尚何面目復見山靈乎

汚淥池以洗耳皇甫謐高士傳巢父聞許由為堯所讓也以為汚乃臨池而洗耳宜

荷袖幌掩雲關歛輕霧藏鳴湍截來轅於谷口杜妄

轡於郊端於是叢條瞋膽疊穎怒魄或飛柯枝柯以

折輪乍低枝而掃迹請迴俗士駕為君謝逋客俗士逋客

蓋謂周顒也

樓 昉曰北山建康蔣山是也周顒所隱之地此篇

當看節奏紆徐虛字轉摺處然造語駢麗
下字新奇所當詳味

張以忠曰奇爽名雋高華秀逸俱是心靈濬發出來
一字不經人吐

又曰虛字轉折極有血脈不獨以新彩爲工

于寶晉紀總論

宣帝至愍帝
合其善惡而

論之晉之風

俗人才政事

一一如指掌

本太史秦楚

之際月表來

追述司馬宣

王不過言其

才足有為非

有創垂之德

所以見異日

子孫陵替蓋

繇祖宗積之

不厚耳

史臣曰。昔高祖宣皇帝。以雄才碩量。應運而仕。值魏

太祖創基之初。籌畫軍國。嘉謀屢中。晉記曰。魏武帝

為文學。椽每與。遂服輿軫。驅馳三世。晉高帝歷事魏

明帝時。位已至。性深阻。有如城府。而能寬綽以容納。

行任數。以御物。而知人善采拔。故賢愚咸懷。小大畢

力。爾乃取鄧艾于農隙。引州泰于行役。委以文武各

善其事。艾為魏典農綱紀。上計吏。見司馬宣王。宣王

宛識之。歷竟。故能西擒孟達。東舉公孫淵。內夷曹爽。

外襲王陵。孟達為新城太守。反。晉高祖親征之。斬達

與曹爽俱受遺輔政。爽專恣。高祖奏廢之。後爽竟以反誅。王陵謀立楚王彪。高祖襲之。陵請降。送京師。自

殺

神略獨斷。征伐四克。維御羣后。大權在已。屢拒諸

葛亮。節制之兵。而東支吳人。輔車之勢。軍旅屢動。邊

鄙無虧。于是百姓與能。大象始構矣。

大象老子曰。執大象。天下往。大

象大世宗承基。太祖繼業。玄豐亂內。

夏侯玄李豐作亂。景帝誅之。

欽誕寇外。

楊州刺史文欽謀叛。世宗討之。欽奔吳。鎮東將軍諸葛誕有貳志。太祖討誅之。

潛

謀雖密。而在幾必兆。淮浦再擾。而許洛不震。

淮浦謂欽誕也。

咸黜異圖。用融前列。然後推轂鐘鄧。長驅庸蜀。

景元四年。

大舉伐蜀。太祖卽分諸軍。使征西將軍鄧艾。鎮西將軍鐘會。分道入蜀。

三關電掃。劉禪

入臣。天符人事。于是信矣。始當非常之禮。終受備物。

尚多溢美景
升晉人不得
不如此言之

盛稱一統之
盛所以見子
孫之徧安江
安者為足慨

之錫魏主命太祖為晉公名器崇于周公權制嚴于
伊尹加九錫又進爵為王至于世祖世祖晉武帝也遂享皇極正位居體重言慎
法仁以厚下儉以足用和不弛寬而能斷故民詠
維新四海悅勸矣聿修祖宗之志思輯戰國之苦腹
心不同公卿異議納羊祜之策以從善為眾晉欲伐吳羣臣
或然或否惟羊祜上疏以為可伐故至于咸寧之末遂排羣議而杖
王杜之決王濬杜預汎舟三峽介馬桂陽介甲也介馬馬被甲也左傳云
齊侯不侯介役不二時江湘來同夷吳蜀之壘垣通
馬而馳之
二方之險塞掩唐虞之舊域班正朔于八荒太康之
中天下書同文車同軌牛馬被野餘糧棲畝行旅草

旨之開基木
以纂逆其後
宗室自相魚

舍外閭不閉民相遇如親其匱乏者取資于道路故
于時有天下無窮人之諺雖太平未洽亦足以明吏

奉其法民樂其生百世之一時矣武皇既崩山陵未

乾楊駿被誅

駿為太傅作亂被遷太后
楊氏于永寧宮廢為庶人

母后廢黜朝

士舊臣夷滅者數十族尋以二公楚王之變

楚王偉
殺太宰

汝南王亮
太保衛瓘

宗子無維城之助而關伯實沈之郤歲構

高辛氏有二子長閼伯季實沈
不相睦曰尋于戈以相征討

師尹無具瞻之貴而

顛墜戮辱之禍日有至乃易天子以太上之號而有

免官之謠

惠帝永康二年禪位于趙王倫倫號帝曰
太上皇中書令繆播云太史按星變事當

有免官
天子

民不見聽唯亂是聞朝為伊周夕為桀跖善

得之易失之亦易

此段文勢淙淙如流泉聲响不可斷

惡陷于成敗。毀譽脇于勢利。于是輕薄于紀之士役。

姦智以投之。如夜蟲之赴火。內外混淆。內諸夏也。外夷狄也。此五

胡亂華之始。庶官失才。名實反錯。天綱解紐。國政迭移。于

亂人。禁兵外散于四方。方岳無鈞石之鎮。關門無結

草之固。魏顆見老人結草以亢杜回。李辰石冰傾之于荆楊。蜀流

發兵攻之。兵不樂西征。李辰因誑之作亂。石冰應之。大略楊州。劉淵王彌撓之于青

冀。劉淵作亂于西河。攻破郡縣。自稱二十餘年。而河

洛為墟。戎羯稱制。二帝失尊。二帝謂潛帝懷帝也。劉曜等入寇。二帝蒙塵。

山陵無所何哉。樹立失權。託付非材。四維不張。而苟

且之政多也。夫作法于治。其弊猶亂。作法于亂。誰能

叙宣帝至懷
愍已詳晉家
興衰之迹而
晉之所由衰
尚未闡晰故
復以古先哲

救○之○故○于○時○天○下○非○暫○弱○也○軍○旅○非○無○素○也○彼○劉○淵○
者○離○石○之○將○兵○都○尉○王○彌○者○青○州○之○散○吏○也○蓋○皆○弓○
馬○之○士○驅○走○之○人○凡○庸○之○才○非○有○吳○先○主○諸○葛○孔○明○
之○能○也○新○起○之○寇○烏○合○之○衆○非○吳○蜀○之○敵○也○脫○未○爲○
兵○裂○裳○爲○旗○非○戰○國○之○器○也○自○下○逆○上○非○隣○國○之○勢○
也○然○而○成○敗○異○效○擾○天○下○如○驅○羣○羊○舉○二○都○如○拾○遺○
芥○將○相○侯○王○連○頭○受○戮○乞○爲○奴○僕○而○猶○不○獲○后○嬪○妃○
主○虜○辱○于○戎○卒○豈○不○哀○哉○夫○天○下○大○器○也○羣○生○重○畜○
也○愛○惡○相○攻○利○害○相○奪○其○勢○常○也○若○積○水○于○防○燎○火○
于○原○未○嘗○暫○靜○也○器○大○者○不○可○以○小○道○治○勢○重○者○不○

王起其端而
又備發其哀
亂

此俱化左傳
語

可以爭競。擾古先哲王知其然也。是以扞其大患而
不有其功。禦其大災而不尸其利。百姓皆知上德之
生已而不謂浚已以生也。左傳子產告趙宣子母寧
使人爲子子實生我而謂
子浚我。是以感而應之。悅而歸之。如晨風之鬱北林。
晨風鳥也詩曰鷦
彼晨風鬱彼北林
龍魚之趣淵澤也。順乎天而享其
運。應乎人而和其義。然後設禮文以治之。斷刑罰以
威之。謹好惡以示之。審禍福以喻之。求明察以官之。
篤慈愛以固之。左傳曰猶求聖哲之主明哲
之官忠信之表慈惠之師
故衆知
向方。皆樂其生而哀其死。悅其教而安其俗。君子勤
禮。小人盡力。廉耻篤于家閭。邪僻銷于胸懷。故其民

論國家安危之本未及晉事而先以周家后稷公劉太王王季文王所以致王業之艱難次第俱陳後纔以晉之興反上

有見危以授命而不求生以害義又况可奮臂大呼聚之以于紀作亂之事乎基廣則難傾根深則難拔禮節則不亂膠結則不遷是以昔之有天下者所以長久也夫豈無僻主僻主謂邪僻之主賴道德典刑以維持之也故延陵季子吳公子季札聘于魯請觀周樂使工爲之歌列國歷言其治亂興亡之聽樂以知諸侯存亡之數短長之期者蓋民情風教國家安危之本也昔周之興也后稷生于姜嫄而天命昭顯文武之功起于后稷故其詩曰思文后稷克配彼天又曰立我烝民莫匪爾極又曰實穎實粟卽有郇音胎家室至于公劉遭狄人之亂去郇之邠身

歷叙周之哲
王所以見享
國長久繇于
祖功宗德

服厥勞故其詩曰乃裹糒糧于橐于囊陟則在巘復
降言人從公劉者或升山或下原及復重苦也在原以處其民以至于太
王爲戎狄所逼而不忍百姓之命杖策而去之故其
詩曰來朝走馬率西水滸至于岐下周民從而思之
曰仁人不可失也故從之如歸市居之一年成邑二
年成都三年五倍其初每勞來而安集之故其詩曰
乃慰乃止乃左乃右乃疆乃理乃宣乃畝以至于王
季能鄭玄曰德政應和曰類類其德音故其詩曰克明克類克
長克君載錫之光至于文王備修舊德而維新其命
故其詩曰惟此文王小心翼翼昭事上帝聿懷多福

此段爲賈后
伏案

繇此觀之。周家世積忠厚仁及草木。內睦九族。外尊
事黃耆。養老乞言。以成其福祿也。而其後妃躬行四
教。四教婦德婦言婦容婦功是也尊敬師傅。服澣濯之衣。修煩辱之
事。化天下以婦道。煩辱女工之事故其詩曰。刑于寡妻。至于
兄弟。以御于家邦。是以漢濱之女。守潔白之志。中林
之士。有純一之德。詩曰。漢有游女。不可求思。又肅肅。兔舄施于中林。故曰。文
武自天保以上。治內。采薇以下。治外。天保采薇皆詩篇名始于
憂勤。終于逸樂。于是天下三分有二。猶以服事殷諸
侯。不期而會者八百。猶曰。天命未至。以三聖之智。伐
獨夫之紂。猶正其名。教曰。逆取順守。保大定功。安民

運筆莽莽有
司馬子長法

十五王謂后

稷不啻鞠陶

公劉慶節皇

僕羗弗毀俞

公非高圉亞

圉公組太王

王季文王也

十八者如武

王成王康王

并上十五王

也

纂弒得國意

和衆猶著大武之容曰未盡善也及周公遭變陳后
稷先公風化之所由致王業之艱難者則皆農夫女
工衣食之事故自后稷之始基靜民靜安十五王而
文始平之十六王而武始居之十八王而康克安之
故其積基樹本經緯禮俗節理人情恤隱民事如此
之纏綿也爰及上代雖文質異時功業不同及其安
人立政者其揆一也今晉之興也功烈于百王事捷
于三代蓋有爲以爲之矣宣景遭多難之時務伐英
雄誅庶桀以便事不及修公劉太王之仁也受遺輔
政屢遇廢置故齊王不明不獲思庸于毫司馬景王
廢齊王芳

在言外

數十條次晉
事如見

創基本立異
于先代而朝
政之失又先
代所未嘗有
時事如此安
得不迄于亂
亡乎

不得如太甲反位于毫高貴冲人不得復子明辟齊王廢高貴卿公髦即位

被弑不得如成王反明君之位二祖逼禪代之期不暇待三分八百

之會也是其創基立本異于先代者也又加以朝

寡純德之士鄉之不二之老不二謂不臣風俗淫僻耻

尚失所學者以莊老為宗而黜六經太康以後天下共尚無為貴談

莊老廢黜六經之學談者以虛薄為辯而賤名檢行身者以放

濁為道而狹節信放濁者言放誕而行汙濁也進仕

者以苟得為貴而鄙居正當官者以望空為高而笑

勤恪是以目三公以蕭杌之稱蕭杌未詳或曰蕭然自放杌爾無為標

上議以虛談之名劉頌屢言治道傳咸每糾邪正皆

泄泄之象寫
至婦女可為

謂之俗吏。其倚杖虛曠。依阿無心者。皆名重海內。若夫文王日昃不暇食。仲山甫夙夜匪懈者。蓋共嗤黜。以為灰塵而相詬病矣。由是毀譽亂于善惡之實情。慝奔于貨欲之塗。選者為人擇官。官者為身擇利。而秉鈞當軸之士。身兼官以十數。大極其尊。小錄其要。機事之失。十恆八九。而世族貴戚之子弟。陵邁超越。不拘資次。悠悠風塵。皆奔競之士。列官千百。無讓賢之舉。子真著崇讓而莫之省。劉實字子真疾時貪競著崇讓論子雅制九班而不得用。劉頌字子雅作九班之制以別尊卑為裴頠所駁事不見行長虞數直筆而不能糾。傳長虞為司隸校尉前後其婦執正糾彈百僚而不見從

曲盡為賈后
伏案

女莊櫛側音織紵音皆取成于婢僕未嘗知女工絲枲

之業中饋酒食之事也先時而婚任情而動故皆

不耻淫逸之過不拘妬忌之惡有逆于舅姑有反易

剛柔有殺戮妾媵有黷亂上下父兄不之罪也天下

莫之非也又况責之聞四教于古修貞順于今以輔

佐君子者哉禮法刑政于此大壞如室斯構而去其

鑿契契箕也如水斯積而决其隄防如火斯畜而離其

薪燎也國之將亡本必先顛其此之謂乎故觀阮籍

之行阮籍宏逸曠達而覺禮教崩弛之所由察庾純

賈充之爭而見師尹之多僻賈充曰君子常居人前今

阮籍之行以下証前以老
莊為宗數句
著所以釀成
懷愍之亂

觀此一段殆
無一事不足
階亂者

何以在後純曰有小市井事不了考平吳之功而知
是以後之先為市魁故以戲言
將帥之不讓王渾與王濬思郭欽之謀而悟戎狄之
有豐御史大夫郭欽上書言覽傳玄劉毅之言而得
百官之邪病復發于今日也上嘗謂劉毅曰朕方漢
之何如主對曰桓靈也日朕克已為理方之桓靈不
亦甚乎對曰桓靈賣官錢入公府陛下賣官錢入私
門以此言之核傳咸之奏錢神之論而覩寵賂之彰
殆不若也傳咸奏貨賂流行民風國勢如此雖以中庸之才守
魯褒作錢神論文之主治之辛有必見之于祭祀季札必得之于聲
樂平王之時辛有適伊川見被髮而祭于野者曰不
陳曰國無主范燮必為之請死賈誼必為之痛哭
其能久乎

有識

周室發祥豐

鎬而邇本后

妃自古王業

之興末有不

繇內助者迨

其衰也亦恒

必繇之此云

不特係一婦

人之惡非輕

貸賈氏蓋云

當時事事乖

謬感慨之意

溢于言外

反自鄢陵之役使祝宗祈死曰君無禮而克敵天益其疾矣愛我者惟祝我使速死無及于難賈誼上疏云國家之事可又况我惠帝以放蕩之德臨之哉故謂痛哭者一也

賈后肆虐于六宮韓午助亂于內外其所由來者漸

矣豈特繫一婦人之惡乎賈后惠帝后六宮取象坤數韓午壽妻賈后妹也相

助為妒忌淫亂事也言晉不道而懷帝承亂得位霸

致敗壞豈獨係賈后一婦人也

于彊臣愍帝奔播之後徒廁其虛名天下之政既已

去矣非命世之雄不能取之矣然懷帝初載嘉禾生

于南昌懷帝生時嘉禾生于南昌望氣者又云豫章有天子氣及

國家多難宗室迭興以愍懷之正淮南之壯成都之

功長沙之權皆卒于傾覆惠帝立愍懷為太子賈后無子廢太子矯詔殺之武

識語亦蕭疎
質雅

可見符瑞未
必爲福

帝子欽度封淮南王領中護軍章度封成都王拜屯
騎校尉趙王倫篡逆章度謀舉義兵迎天子孫秀之
亂欽度圍趙王倫遇害士度封長沙王拜屯步兵校
尉齊王冏驕矜士度攻冏縛于帝前河間王顥欲廢
天子立成都王士度與戰遂爲顥所誅言而懷帝以
此數王俱有權勢而卒見誅戮豈非命也
豫章王登天位劉向之讖云滅亡之後有少而水名
者得之起事者據秦川西南乃得朋按愍帝蓋秦王
之子得位于長安長安固秦地也而西以南陽王爲
右丞相東以琅琊王爲左丞相上諱業故改鄴爲臨
漳漳水名也繇此推之亦有徵祥而皇極不建禍辱
及身豈上帝臨我而貳其心將繇人能弘道非道弘
人者乎淳耀之烈未渝

黎爲高辛氏火正有淳耀之
德故其子孫昌盛晉承黎之

于寶晉紀總論九

六朝

後故
云

故大命重集于中宗元皇帝。

郭正域曰著論擬過秦多而引詩如匡劉然其風力則晉之靡也其論晉之民風形神俱逼

張以忠曰叙晉室興廢之故識力鑿然議論排宕可謂發舒暢盡

又曰末結言大命重集而推本之于淳耀之烈明乎非晉之德足以凝命也景升晉人當時畧無忌諱若此

陶潛歸去來辭

歐陽公嘗言

兩晉無文章

獨有此歸去

來辭一篇其

辭義夷曠蕭

散雖楚聲而

無尤怨局感

之病

意興高遠韻

度蕭散游息

之暇諷之咏

之可以終塵

襟而生逸思

此一節述其

歸去之由晨

光熹微蓋言

晉室將亡之

枝也怡悅也

言其枝柯相

掩覆以為可

樂故悅之

歸去來兮。田園將蕪，胡不歸。蕪，謂草也。既自以心為形役，

奚惆悵而獨悲。悟已往之不諫，知來者之可追。謂雖為官

今將歸去是實迷途其未遠，覺今是而昨非。舟搖搖

以輕颺，風飄飄而吹衣。行舟也。問征夫以前路，恨晨光

之熹微。問前路遠近也。乃瞻衡宇，載欣載奔。衡宇，謂其所歸

衡門，屋宇也。載，則。僮僕歡迎，稚子候門。稚小也。候門，

也。欣，奔喜而至也。三徑就荒，松菊猶存。昔蔣詡幽居，開三徑，潛亦慕

之。幼入室，有酒盈樽。引壺觴以自酌，眴庭柯以怡顏。耳。柯，

枝也。怡悅也。言其枝柯相掩覆以為可樂故悅之。倚南窗以寄傲，審容膝之

喻

陶元亮之歸

去來有野鶴

任風閑鷗立

海之狀讀之

令人清酒

雲無心二句

此已之時行

時止撫孤松

句又比晉將

革命已當靖

節也

易安

季郭先生妻曰以結駟列綺所安不過安膝園

日涉以成趣

門雖設而常關

田園之中日日策扶老

以流憩時矯首而

弄觀

策杖以扶老弱周流雲無心

以出岫鳥倦飛而知還

言雲自然之氣無心意以出

自為縱逸也

言鳥晝飛而暮還故景翳翳以將入撫

林亦猶人日出而作日入而息也

歸去來兮請息交以絕

孤松而盤桓

謂賞其堅貞故歸去來兮請息交以絕

游世與我而相遺復駕言兮焉求悅親戚之情話樂

琴書以消憂農人告余以春及將有事于西疇或命

巾車或棹孤舟

既窈窕以尋壑亦崎嶇而經丘

貌壑澗水也謂行舟以尋之

木欣欣以向榮泉涓涓

此一節述其歸去之後景也崎嶇險也馬以涉之也

物之美交游之樂

而始流

欣欣生意貌涓涓泉流貌

善萬物之得時感吾生之行休

此叙其歸田明農有萬物靜觀皆自得氣象

觸物興懷歎其昔行今止

已矣乎寓形宇內復幾時曷不委心任去留胡為乎遑遑欲何之富貴非吾願帝鄉不可期

此一節斷盡歸去來辭一篇之旨

帝鄉京都也

懷良辰以孤往或植杖而耘耔

論語植其杖而耘往植立

樂天知命之言超然自遠

也登東臯以舒嘯臨清流而賦詩聊乘化以歸盡樂夫天命復奚疑

淵明樂夫天命無營無求決于歸去而無疑也

黃震曰詩變而為騷騷變而為辭皆可歌也辭則兼詩騷之聲而尤簡遂焉者漢武帝作秋

風辭一章三易韵其節短其聲哀此辭之權輿乎陶淵明罷彭澤令賦歸去來而自

權輿乎陶淵明罷彭澤令賦歸去來而自

命曰辭迫令人歌之頓挫抑揚自協聲韻
蓋其辭高甚晉宋而下欲追躡之不能然
秋風辭盡蹈襲楚辭未甚敷暢歸去來則
自出机杼謂洞庭鈞天而不澹謂霓裳羽
衣而不綺此其所以超乎先秦之世而與
之同範也

張以忠曰此文神骨風韻瀟灑絕塵而識論俱卓爾
超邁在兩晉間故稱絕調

本王道天道
人道之得失
說起得序春
秋傳之休

范甯穀梁傳叙

昔周道衰陵。乾綱絕紐。禮壞樂崩。彛倫攸斁。弑逆篡盜者國有。淫縱破義者比肩。是以妖災因釁而作。民俗染化而遷。陰陽爲之愆度。七曜爲之盈縮。川嶽爲之崩塌。鬼神爲之疵癘。故父子之恩缺。則小弁之刺作。君臣之禮廢。則桑扈之諷興。夫婦之道絕。則谷風之篇奏。骨肉之親離。則角今之怨彰。君子之路塞。則白駒之詩賦。天垂象見吉凶。聖作訓紀成敗。欲人君戒愼厥行。增修德政。蓋誨爾諄諄。聽我藐藐。履霜堅冰。所由者漸。四夷交侵。華戎同貫。幽王以暴虐見禍。

字字雕琢句
句雅馴

首言周道衰

陵故變風變

雅之音作以

至列黍離于

國風齊王德

于邦君此正

王迹熄而詩

亡詩亡然後

春秋作故下

文即言不能

復雅而春秋

于是接乎隱

公因之以托

始

平王以微弱東遷征伐不由天子之命號令出自權
 臣之門故兩觀表而臣禮亡朱子設而君權喪下陵
 上替僭迫理極天下蕩蕩王道盡矣孔子觀滄海之
 橫流滄海橫流喻世道之散亂也廼喟然而歎曰文王既沒文不
 在茲乎言文王之道喪興之者在已於是就太師而
 正雅頌因魯史而備春秋列黍離於國風齊王德於
 邦君所以明其不能復雅政化不足以被羣后也於
 是則接乎隱公故因茲以托始該二儀之化育贊人
 道之幽變舉得失以彰黜陟明成敗以著勸戒拯頹
 綱以繼三王鼓芳風以扇游塵一字之褒寵踰華袞

識春秋筆嚴之體

翻駁精詳

之贈片言之貶辱過市朝之捷德之所助雖賤必牢
義之所抑雖貴必屈故附勢匪非者無所逃其罪潛
德獨運者無所隱其名信不易之宏軌百王之通典
也先王之道既弘麟感化而來應因事備而終篇故
絕筆於斯年成天下之事業定天下之邪正莫善於
春秋春秋之傳有三而為經者之旨則一臧否不同
褒貶異致蓋九流分而微言隱異端作而大義乖左
氏以鬻拳兵諫為愛君初鬻拳強諫楚文王弗從臨之以兵懼而從之鬻拳曰懼
君以兵罪莫大焉遂自刎也楚人以為大閹君子曰
鬻拳可謂愛君矣諫以自納于刑刑猶不忘納君子
善文公納幣為用禮文公元年冬使公子遂如齊納幣傳曰禮也公羊傳饑喪娶也

穀梁以衛輒拒父為尊祖

納者內弗受也其弗受以尊王父也

不受子

糾為內惡公羊以祭仲廢君為行權

祭仲者何賢相也何以不名賢

也何賢乎祭仲以為知權也君是鄭昭公忽祭仲與宋人盟廢昭公忽而立厲公突後厲公命祭仲婿雍

糾殺祭仲不克厲公出奔蔡昭公復立妾母稱夫人為合正以兵諫為

愛君是人主可得而脅也以納幣為用禮是居喪可

得而婚也以拒父為尊祖是為子可得而叛也以不

納子糾為內惡是仇讐可得而容也以廢君為行權

是神器可得而窺也以妾母為夫人是嫡庶可得而

齊也若此之類傷教害義不可彊通者也凡傳以通

經為主經以必當為理夫至當無二而三傳殊說庸

止論純正而
意法句法亦
妙

以理立論精當

學者誠盡其意見獨會聖

真即六經皆註脚何況三

傳

再評三傳得失而終之以自任

得不棄其所滯。擇善而從乎。既不俱當。則固容俱失。若至言幽絕。擇善靡從。庸得不並舍以求宗據。理以通經乎。雖我之所是。理未全當。安可以得當之難。而自絕于希通哉。而漢興以來。環望碩儒。各信所習。是非紛錯。準裁靡定。故有父子異同之論。父子異同謂劉歆善左氏石渠分爭之說。廢興由於好惡。盛衰繼之辯。訥斯蓋非通方之至理。誠君子之所歎息也。左氏艷而富。其失也誣。穀梁清而婉。其失也短。公羊辯而裁。其失也俗。若能富而不誣。清而不短。裁而不俗。則深於其道者也。故君子之於春秋。沒身而已矣。

林希元曰此序說春秋本末及三傳得失最明白痛快然文体至此覺已漸發露無復秦漢渾厚氣象矣

張以忠曰識議純正詞局宏雅而折衷三傳更深得春秋之旨

語甚新麗

叙紀莊而不拘是一能手

范曄皇后紀論

夏殷以上后妃之制其文畧矣。周禮王者立后后之猶言

後言在三夫人九嬪二十七世婦八十一女御以備大後也

內職焉。后正位宮闈同體天王。夫人坐論婦禮夫人

后猶三公之于王九嬪掌教四德九嬪掌婦學之法

謂婦德婦言世婦主喪祭賓客婦服也明其能服事

夫周禮世婦掌祭祀賓客喪紀之事祭之日泣陳女女宮之具凡內羞之物掌弔臨于卿大夫之喪

御序于王之燕寢女御序于王之燕寢頒官公務各

有典司女史彤管記功書過女史掌王后之禮書內

亦如太史之于王居有保阿之訓動有環佩之嚮響也

詞采奕然筆法森然

以上論其善可為法

齊孝公孟姬華氏之女從孝公游車奔姬墮車碎孝公使駟馬立車載姬泣曰妾聞妃下堂必從傳母

保阿進退則鳴玉佩環進賢才以輔佐君子哀窈窕

今立車無輶非敢受命關雎樂得淑女以配君子而不淫其色憂在進賢而不淫其色所以能述宣

陰化修成內則閨房肅雍險謁險謁私不行也故康

王晚朝關雎作諷后夫人雞鳴佩玉去君所周康王后不然故詩人歎而傷之見魯詩

宣后晏起姜氏請讐音愆過失也周宣姜氏齊侯之女也宣王嘗夜臥晏起后夫人

不出房姜氏既出乃及周宣東遷禮序凋缺諸侯僭

縱軌制無章齊桓有如夫人者六人長衛姬少衛姬鄭姬葛嬴密姬

宋華子也晉獻升戎女為元妃晉獻公伐驪戎得驪姬愛幸立以為妃終于

五子作亂豕嗣遘遘遇也述桓公六夫人生六子桓公卒公子昭公子無虧公子

風憲二字奇

色秀神瑩

叙法詳瞻嚴密而有雍容之度中更夾以議論尤佳

元公子潘公子商人公子雍等皆求立晉獻公受驪姬之譖殺太子申生爰逮戰國風憲

逾薄適情任欲顛倒衣裳上曰衣下曰裳詩曰綠兮衣兮綠兮黃裳鄭玄曰衣

綠而裳黃喻嫡妻之禮亂也以致破國亡身不可勝數斯固輕禮

弛防先色後德者也秦并天下多自驕大官備七國

爵列八品正嫡稱皇后妾皆稱夫人又有美人良人八子七子長使少使之號漢興因

循其號而婦制莫釐音離高祖帷薄不修古者謂汙穢淫亂男女無

別為孝文祗席無辨孝文幸慎夫人每與皇后同坐是無辨也然而選納

尚簡飾玩少華自武元之後世增淫費至乃掖庭三

千增級十四婕妤一姪娥二容華三充衣四已上武帝置昭儀五元帝置美人六良人七七

子八八子九長使十少使十一五官十二順常妖幸

十三舞涓其和娛靈保休良姊使夜者十四

已上論其惡
可為鑒

敘事實與用
虛字處俱可
法

毀政之符外。姻亂邦之跡。前史載之詳矣。及光武中。
興。斲彫為朴。史紀漢興破觚而為圓。斲彫而為朴。六官稱號。唯皇后貴。
人。皇后正寢。一燕寢。五為貴人。金印紫綬。俸不過六宮也。夫人已下分居焉。
粟數十斛。又置美人宮人采女三等。竝無爵秩。歲時
賞賜充給而已。漢法常因八月算民。漢法八月為算。賦故曰算民。又
常因算民。時采女。遣中大夫與掖庭丞及相工于洛陽鄉中。
閱視良家童女。年十三已上。二十以下。委色端麗。合
法相者。載還後宮。擇視可否。乃用登御。所以明慎聘
納。詳求淑哲。明帝聿遵先旨。宮教頗修。登逮嬪后。必
先令德。內無出閨之言。閨門限也。禮記曰。內言不權。出于閫外。言不入于閫。權。

前代豈無明禁

已上復論其

善可為法然

猶有未盡善

處

自古以下申

結前意把一

篇意思收拾

殆盡

每于襍省中

風神燁燁

無私溺之受可謂矯其弊矣向使因設外戚之禁徧

著甲令

甲令者前帝第一令

改正后妃之制貽厥方

來豈不休哉雖御已有度而防閑未篤故孝章以下

漸用色授恩隆好合遂忘緇蠹

緇黑也蠹食木蟲以喻傾敗也

自古

雖主幼時艱王家多釁必委成冢宰簡求忠賢未有

專任婦人斷害重器唯秦芊

音米

太后始攝政事故穰

侯權重于昭王家富于嬴國漢仍其繆知患莫改東

京皇統屢絕權歸女主外立者四帝

謂安賢桓靈

臨朝者

六后

章帝竇太后和熹鄧太后安思閭太后順烈梁太后桓思竇太后靈思和太后也

莫不

定策帷帟

音亦

委事父兄貪孩提以久其政抑明賢以

專其威

周禮幕人掌帷帟幄幕之事鄭玄注曰帟帷中坐上承塵也殤帝崩鄧太后與兄鴈等迎

立安帝年十三冲帝崩梁太后與兄冀迎立質帝年

八歲質帝崩太后與兄冀迎立桓帝年十五桓帝崩

寶太后與父武迎任重道悠利深禍速身犯霧露于

靈帝時曹節矯詔遷太后

于雲臺謝弼

上封事曰伏

惟皇太后援

立明聖幽居

空宮如有霧

露之疾陛下

富何面目以

見天下

雲臺之上

言霧露謂疾病也不可指死故假霧露以言之

家嬰縲綹于囹圄

之下

謂外戚被誅也

湮滅連踵傾軛

音

繼路

軛車轅也

而赴路不

息焦爛為期終于陵夷大運淪亡神寶

神寶帝位也

詩書

所歎略同一揆故考列行跡以為皇后本紀雖成敗

事異而同居正號者竝列于篇其以私恩追尊非當

時所奉者則隨它事附出謂安帝母左姬及親屬別

事各依列傳其餘無所見則繫之此紀謂賈貴人之類

以續西京外成云爾

續繼也

焦竑曰此叙文字無甚奇特然議論詳明措詞典

贍并有其善可爲當代之法惡可爲當代

之鑒云爾

張以忠曰筆甚整潔而雅鍊處尤多精采

古今文統

卷八

四

光武夷險
荒光復舊物
而能前及儒
雅可謂知治
本矣

儒林傳叙

施雠孟喜梁丘賀京房四家治易歐陽高夏侯勝夏侯建三家治尚書魯申公齊轅固生韓嬰毛萇四家

昔王莽更始之際天下散亂禮樂分崩典文殘落及光武中興愛好經術未及下車而先訪儒雅採求闕文補綴漏逸先是四方學士多懷挾圖書遁逃林藪自是莫不抱負墳策雲會京師范升陳元鄭興杜林衛宏劉昆桓榮之徒繼踵而集于是立五經博士各以家法教授易有施孟梁丘京氏尚書歐陽大小夏侯詩齊魯韓毛禮大小戴春秋嚴顏凡十四博士太常差次總領焉建武五年乃修起太學稽式古典籩豆干戚之容備之于列服方領習矩步者委即透也即逆

傳詩戴德戴

聖治禮嚴彭

祖顏安樂治

公羊春秋獨

毛詩未立學

宮故凡十四

博士具詳傳

中

乎其中

方領直領也委也行貌也甚形狀學林士人之盛

中元元年初建三

雍明帝即位親行其禮天子始冠通天

徐廣與服雜注曰天子朝

冠通天冠高九寸黑介

衣日月

續漢志曰乘輿備文日月星辰也

備

法物之駕

胡廣漢制度曰天子出有大駕法駕小駕大駕則公卿奉引大將軍驂乘太僕御屬

車八十一乘備千乘萬騎法駕公不在鹵簿唯河南尹執金吾洛陽尹奉引侍中驂乘奉車郎御屬車三

十六乘小駕太僕奉盛清道之儀漢宮儀曰清道以

駕侍御史整車騎也

盛清道之儀

旄頭為前驅也

坐明堂而朝羣后登靈臺而望雲物祖割辟雍之上

尊養三老五更饗射禮畢帝正坐自講諸儒執經問

難于前冠帶縉紳之人圍橋門而觀聽者蓋億萬計

漢官儀曰辟雍四門外有水以節觀者門外皆有橋觀者水外故云圍橋門也圍繞也

其後復

東京風物于斯為美

漢初有公羊穀梁鄒氏夾

氏四家並行三莽之亂鄒

氏無師夾氏亡後惟公羊

立學宮左氏傳後出永平

中能為左氏者擢高第為

議郎晉魏間左氏遂盛行

為功臣子孫四姓末屬別立校舍搜選高能以受授作其業自期門羽林之士悉令通孝經章句匈奴亦遣子入學濟濟乎洋洋乎盛于永平矣建初中大會諸儒于白虎觀考詳同異連月乃罷肅宗親臨稱制如石渠故事顧命史臣著為通義即白虎通義是又詔高才生受古文尚書毛詩穀梁左氏春秋雖不立學官然皆擢高第為講郎給事近署所以網羅遺逸博存眾家孝和亦數幸東觀覽閱書林及鄧后稱制學者頗懈時樊準徐防並陳敦學之宜又言儒職多非其人于是制詔公卿妙簡其選三署郎能通經術者皆得察

于世

舉自安帝覽政薄于藝文博士倚席不講倚席言不施講坐也

朋徒相視怠散學舍頽敝鞠窮也為園蔬牧兒莨豎至

于薪刈其下順帝感翟酺之言乃更修黌宇凡所造

構二百四十房千八百五十室試明經下第補弟子

增甲乙之科員各十人除郡國耆儒皆補郎舍人太

初元年梁太后詔曰大將軍下至六百石悉遣子就

學每歲輒于鄉射月一饗會之以此為常漢官儀曰春三月秋

九月習鄉射禮禮自是游學增盛至三萬餘生然章

句漸疎而多以浮華相尚儒者之風蓋衰矣黨人既

誅其高名善士多坐流廢後遂至忿爭更相言告亦

章句之學儒之所賤至于章句漸疎當時風尚可知

有私行金貨定蘭臺聚書經字以合其私文熹平四年靈帝乃詔諸儒正定五經刊于石碑為古文篆隸三體書法以相參檢樹之學門古文謂孔子壁中書篆書秦始皇使程邈所作也隸書亦程邈所獻主于徒隸從簡易也使天下咸取則焉初光武遷還洛陽其經牒秘書載之二千餘兩自此以後參倍于前及董卓移都之際吏民擾亂自辟雍東觀蘭臺石室宣明鴻都諸藏典策文章競共剖散其縑帛圖書大則連為帷蓋小乃制為滕囊音騰騰亦滕也說文曰滕囊也及王允所收而西者裁七十餘乘道路艱遠復棄其半矣後長安之亂一時焚蕩莫不泯盡焉東京學者猥

衆難以詳載。今但錄其能通經名家者。以爲儒林篇。

其自有列傳者。則不兼書。若師資所承。

老子曰善人者不善人之

師也不善人者善人之資也。故因曰師資。

宜標名爲證者。乃著之云。

焦

竝曰。宋范曄撰後漢書。常自擬班氏觀其與甥

姪書。叙作書之意。稱自古體大而思精。未

有如此者。

張以忠曰。局調雍雅。結構圓密。瞻博之中。殊覺清整。

沈約宋書志序

宋志律曆禮樂天文符瑞

五行州郡百官

舉馬班二書

正見已宋書

之作可以接

武史漢然此

書實自贍博

無淺陋之病

此處正說已所以作志之

左史記言。左史記事。事則春秋是也。言則尚書是也。至於楚書鄭志。晉乘楚杙之篇。皆所以照述前史。俾不泯於後。司馬遷制一家之言。始區別名題。至乎禮儀刑政。有所不盡。乃於紀傳之外。別立八書。片文隻事。鴻纖備舉。班氏因之。靡違前式。網羅一代。條流遂廣。律曆禮樂。其名不變。以天官爲天文。改封禪爲郊祀。易貨殖平準之稱。革河渠溝洫之名。綴孫卿之辭。以述刑法。采孟軻之書。用序食貨。劉向洪範。始自春秋。劉歆七略。儒墨異部。朱贛博采風謠。尤爲詳洽。固

錄

蔡邕從朔方

上書云論天

體者三家宣

夜絕無師法

周髀術數具

存考驗天狀

多所違失惟

渾天精微深

妙官有器而

無本書前志

亦闕而不論

宜著篇章云

云

杜夔前勗號

稱精妙而循

不逮古律之

難如此

並因仍以爲三誌而禮樂疏簡所漏者多典章事數
百不記一天文雖爲該舉而不言天形致使三天之
說紛然莫辨是故蔡邕於朔方上書謂宜載述者也
漢興接坑儒之後典墳殘缺耆生碩老常以亡逸爲
慮劉歆七略固之藝文蓋爲此也河自龍門東注橫
被中國每漂決所漸寄重災深堤築之功勞役天下
且關洛高塏地少川源是故鎬豐潦滴咸入禮典漳
滏鄭白之饒溝渠沾溉之利皆民命所祖國以爲天
潢渚立志亦其宜也世殊事改於今可得而略竊以
班氏律曆前事已詳自楊偉改創景初而魏書闕志

晉魏景初元年用楊偉定曆晉仍之至宋元嘉二十二年用何承天所撰新法至大明六年祖冲之以古曆疎舛莫能改革日月所在差覺三度二至晷影幾失一日五星見伏至差四旬逆留進退或移兩宿更創新曆博議欲行未施用而帝殂

及元嘉重造新法大明博議回收自魏至宋宜入今書班固禮樂郊祀馬彪祭祀禮儀蔡邕朝會董巴輿服並各立志夫禮之所苞其用非一郊祭朝饗匪云別事旗章服物非禮而何今總而裁之同謂禮志刑法食貨前說已該隨流派別附之紀傳樂經殘缺其來已遠班氏所述政抄舉樂記馬彪後書又不備續至於入音衆器並不見書雖略見世本所闕猶衆爰及雅鄭謳謠之節一皆屏落曾無槩見郊廟樂章每隨世改雅聲舊典咸有遺文又案今鼓吹鐃歌雖有章曲樂人傳習口相師祖所務者聲不先訓以義今

所載詩歌繁
且傳矣縱觀
之亦覺洋洋
可喜

天文惟記曹
魏黃初以來

星變

五行災妖或

依據舊說或

已意推準亦

記曹魏以降

事

聖世不言符

瑞作符瑞志

陋也然天人

之應有不可

誣者國家將

與必有積祥

自古配天光

宅詎無徵兆

樂府饒歌。按漢魏舊曲。曲名時同。文字永異。尋文求
義。無一可了。不知今之饒章。何代曲也。今志自郊廟
以下。凡諸樂章。非淫哇之辭。並皆詳載。天文五行。自
馬。後無復記錄。何書自黃初之始。徐志肇義熙
之元。今以魏接漢式。遵何氏。然則自漢高帝五年之
首冬。暨宋順帝昇明二年之孟夏。二辰六沴。甲子無
差。聖帝哲王。咸有瑞命之紀。蓋所以神明寶位。幽贊
禎符。欲使逐鹿弭謀。窺覲不作。握河括地。綠文赤字。
之書言之詳矣。爰逮道至天而甘露下。德洞地而醴
泉出。金芝玄柜之祥。朱草白鳥之瑞。斯固不可誣也。

且周公慮鳴
鳥不聞孔
嗟鳳圖不至
非無故也其
始太昊者何
前史未有也
地理參差其
詳難舉名號
驟易疆土屢
分或一郡一
縣割成四五
四五之中亟
有離合故此
善州郡志自
漢至宋郡縣
無改移者則
注云漢舊其
有回徙隨源
甄別若惟云
其無者則此

若夫衰世德爽而嘉應不息斯固天道茫昧難以數
推亦猶明主居上而震蝕之災不弭百靈咸順而懸
象之應獨違今立符瑞志以補前史之闕地理參差
事難該辨魏晉以來遷徙百計一郡分爲四五一縣
割成兩三或昨屬荆豫今隸司兗朝爲零桂之士夕
爲廬九之民去來紛擾無暫止息版籍爲之渾淆職
方所以不能記自我狄內侮有晉東遷中土遺氓播
徙江外幽并冀離兗豫青徐之境幽淪寇逆自扶莫
而畏足奉首免身於荆越者百郡千城流寓比室人
佇鴻鴈之歌士蓄懷本之念莫不各樹邦邑思復舊

前皆有也若
不注置立史
闕也其尋按
推求參伍同
異亦云精悉
矣

百官自古世
迄宋崇時卑
秩則官殊制
悉著于篇用
心良密矣

井既而民單戶約不可獨建故魏邦而有韓邑齊縣
而有趙民且省置交加日回月徙寄寓遷流迄無定
託邦名邑號難或詳書大宋受命重啟邊隙淮北五
州剪爲寇境其或奔亡播遷復立郡縣斯則元嘉泰
始同名異實今以班固馬彪二志晉宋起居凡諸記
註悉加推討隨條辨析使悉該詳百官置省備有前
說尋源討流於事爲易元嘉中東海何承天受詔纂
宋書其志十五篇以續馬彪漢志其證引該博者即
而因之亦繇班固馬遷其爲一家者也其有漏闕及
何氏後事備加搜采隨就補綴焉淵流浩漫非孤學

學所盡足。蹇途遙。豈短策能運。雖斟酌前史。備觀妍
嗤。而愛嗜異情。取捨殊意。每含毫握簡。杼軸忘食。終
不足與班左並馳。董南齊轡。庶爲後之君子。削藁而
已焉。

張以忠曰。沈約宋書十六志。唐人作晉書多掇入之。
瞻富博洽。鮮挺蔚秀。誠燦然成一家言者。
全書中序論。往往可觀。此篇該而詳密。而
遠故特存之。



此言古人質
璞文章未與

識論宏遠非
纖靡之向

語奇麗有精
色

梁蕭統文選序

式觀元始。眇覲玄風。冬穴夏巢之時。茹茅飲血之世。世質民淳。斯文未作。逮乎伏羲氏之王天下也。始書八卦。造書契。以代結繩之政。繇是文籍生焉。易曰。觀乎天文。以察時變。觀乎人文。以化成天下。文之時義遠矣哉。若夫椎音追輪為大輅之始。大輅寧有椎輪之質。增冰為積水所成。積水曾微增冰之凜。何哉。言王輅因積水無寒何哉。蓋自設疑問以發後詞。蓋踵音踵其事。而增華。變其本。而加厲。物既有之。文亦宜然。隨時變改。難可詳悉。踵繼也。厲嚴也。物謂輅水也。嘗試論之。曰。詩序云。詩

源流賦

班固云賦者古詩之流

此言紀事詠物其流既廣不可盡載

駱

機局尤秀逆天戍筆墨之

有六義焉。一曰風。二曰賦。三曰比。四曰興。五曰雅。六曰頌。歌事曰風。布義曰賦。取類曰比。感物曰興。政至事曰雅。成功曰頌。各隨作者之志以明之。於今之作者異乎古昔。古詩之體今則全取賦名。荀宋表之於前。荀卿宋玉賈馬繼之於後。賈誼司馬相如自茲以降源流寔繁。述邑居則有憑虛亡是之作。戒畋游則有長楊羽獵之制。若其紀一事詠一物。風雲草木之興。魚蟲禽獸之流。推而廣之。不可勝載矣。又楚人屈原含忠履潔。君匪從流。臣進逆耳。深思遠慮。遂放湘南。耿介之意。既傷。壹鬱之懷。靡愬。臨淵有懷河之志。吟澤有憔悴之容。騷人之文。自茲而作。詩者蓋志之所

外別有靈韻詩

即詩體中亦自茲以降源流繁矣

運局最活

頌

之也。情動於中。而形於言。開睢麟趾。正始之道著。桑

間。漢上亡國之音表。故風雅之道粲然可觀。自炎漢

中。葉厥塗漸異。退傳有在鄒之作。降江將著河梁之

篇。四言五言區以別矣。漢火德故稱炎。武帝居十二

孟傳。楚元王孫代作四言詩。諷王四言自此始。降將

謂李陵降匈奴。別蘇武于河梁。作五言詩。五言自此

始。故云。又少則三字。多則九言。各體互興。分鑣並驅

區別。丘遇反。三字起夏侯湛九言。出高貴鄉公言。此已上

各軌一體。互有興作。亦猶鑣轡雖異。馳騫乃同也。頌者所以游揚德業。褒讚成功。吉甫有莫若之談。季

子有至矣之嘆。尹吉甫作頌曰。穆若清風。吳公子季

頌之。舒布為詩。既言如彼。總成為頌。又亦若此。猶張

箴

整潔秀麗
有其文蓋序
之最勝者

設也如彼謂吉甫也總成謂總次則箴興於補闕戒

括而成也若此謂今之歌頌也

出於弼匡箴所以攻疾亦猶針石之論則析理精微

銘則序事清潤美終則誅發圖像則讚興誅累也有功業而終

者累其功而記之圖像謂又詔誥教令之流表奏牋

圖畫其形也謂因而美之

記之列詔者照也照人之闇使見事宜也誥者告也

領也領之使不相干犯也表者思于內以書誓符檄

表于外也奏進也牋表飾也記之言志也

之品弔祭悲哀之作書者知也序言如意曰書諸侯約信曰誓符孚檄者敝也辭令

者傷痛之文也哀者愛念之辭客指事之制三言

八字之文答客東方朔答客難指事解嘲之類三言

篇辭引序碑碣誌狀思也奇辭以遣詩序舒也舒猶

就文選中諸體而次第之辭不繁蕪意已簡盡

心游目想佳句

花光玉質丰姿映曜

物理碑披也披載其功美也碣礫也亦衆制鋒起源碑類誌以記其年代狀以摹其從行流間出皆衆多出譬陶匏異器並爲人耳之娛黼黻不同俱爲悅目之翫譬喻也陶埴也匏笙也白黑曰耳月之作者之致蓋云備矣余監撫餘閒居多暇日翫不殊余昭明自謂也監歷觀文囿泛覽辭林未嘗不心游目想移晷忘倦側不知其倦自姬漢以來眇焉悠邈時更七代數逾千祀姬周姓也悠言遠也七代謂詞人才子則名溢於縹囊飛文染翰則卷盈乎紺帙縹青白色用以盛書自非畧其蕪穢集其清英蓋欲兼功大半難矣畧除也集除也蕪穢蚩也清英妍也兼信也言文章之多若不去取雖欲

已下歷言其
不入選中者
俱不在前諸
體之內

尊姬公孔父
而不敢割裂
其書識見亦
卓

詩畧煩簡具
右法律

倍○加○其○功○大○半○若○夫○姬○公○之○籍○孔○父○之○書○與○日○月○俱○
亦○不○能○徧○覽○
懸○鬼○神○爭○與○孝○敬○之○准○式○人○倫○之○師○友○豈○可○重○以○芟○
夷○加○之○剪○截○芟刈也夷平也老○莊○之○作○管○孟○之○流○蓋○
以○立○意○為○宗○不○以○能○文○為○本○今○之○所○選○又○亦○畧○諸○若○
賢○人○之○美○辭○忠○臣○之○抗○直○謀○夫○之○話○辯○士○之○端○謀夫
之○人○也○端○水○釋○泉○涌○金○相○玉○振○相質也所○謂○坐○狙○丘○
狙丘稷下皆齊地之丘山也田仲○連○之○却○秦○
議○稷○下○文設館于稷下以延游說之士
軍○食○其○之○下○齊○國○畱○侯○之○發○八○難○高祖用食其之計
八○事○難○陳平封蓋○乃○事○美○一○時○語○流○
之○乃○止○曲○逆○之○吐○六○奇○曲逆侯
千○載○概○見○墳○籍○旁○出○子○史○若○斯○之○流○又○亦○繁○博○雖○傳○

鍾離奕奕

漆麗綿密匪
泛然騁奇筆
舌者

之簡牘而事異篇章今之所集亦所不取至于記事

之史繫年之書所以褒貶是非紀別異同紀事者以

日繫月以月繫時以時繫年方之篇翰亦已不同若其讚論之綜

緝辭采序述之錯比文華讚以美事論言得失綜緝

錯雜也比次也事出于沈思義歸乎翰藻故與夫篇什雜而

集之什拾也言讚論用思深遠自周室迄于聖代都

為三十卷名曰文選云爾凡次文之體各以彙聚詩

賦體既不一又以類分類分之中各以時代相次彙

也

張以忠曰秀質高文密裁美韵而筆致復鮮宕神姿

復瑩朗自是天才宏駿非止以藻麗見長

此可得大旨

謂光遁世是

王意

道存身安二

向一篇大綱

領

詞法蒼練句

句可愛

泛論道理亦

得淵明裏曲

陶淵明文集序

夫自銜自媒者。士女之醜行。不忤不求者。明達之用。心。是以聖人韜光。賢人遁世。其故何也。含德之至。莫踰于道。親已之切。無重于身。故道存而身安。道亡而身害。處百齡之內。居一世之中。倏忽比之白駒。寄寓謂之逆旅。宜乎與大塊而盈虛。隨中和而任放。豈能戚戚勞於憂畏。汲汲役於人間。齊謳趙女之娛。八珍九鼎之食。結駟連騎之榮。侈袂執圭之貴。樂既樂矣。憂亦隨之。何倚伏之難量。亦慶弔之相及。智者賢人居之。甚履薄冰。愚夫貪士競之。若洩尾閭。

尾閭洩水
流洩處也

此歷引知止之士以証淵

明

歷叙數事亦有條理

此歷引不知止以反証淵

明

又一轉折波

浪曾管快人

心目

玉之在山以見珍而終破蘭之生谷雖無人而自芳

故莊周垂釣於濠

莊子觀魚于濠梁

伯成躬耕於野

伯成子躬耕不

求或貨海東之藥草或紡江南之落毛譬彼鴛鴦豈

競鳶鴟之肉猶斯雜縣寧勞文仲之牲至於子常甯

喜之倫蘇秦衛鞅之匹死之而不疑甘之而不悔主

父偃言生不五鼎食死則五鼎烹卒如其言豈不痛

哉又楚子觀周受折於孫滿

楚子問周鼎之輕重王孫滿折之

霍侯

駮乘禍起於負芒

霍光事宣帝權重駮乘于帝後帝如芒刺在背後霍氏果遇害

饗

餐之徒其流甚衆唐堯四海之主而有汾陽之心

堯讓

天下子晉天下之儲而有洛濱之志

周靈王太子晉吹簫于洛浦仙

全篇端重此
數語

此意更卓越

形容清明為
人虛蓋兩相

富

正耿肯豈腎
人韶光道存
身安意

去輕之若脫屣。視之若鴻毛。而況于他人乎。是以至
人達士。因以晦迹。或懷瑾而謁帝。或被褐而負薪鼓
楫。清潭棄機。漢曲漢陰丈人忘機情不在於衆事。寄衆事以
忘情者。也有疑陶淵明詩篇篇有酒。吾觀其意不在
酒。亦寄酒為迹者也。其文章不羣。辭彩精拔。跌宕昭
彰。獨超衆類。抑揚爽明。莫之與京。橫素波而傍流。干
青雲而直上。語時事則指而可想。論懷抱則曠而且
真。加以貞志不休。安道苦節。不以躬耕為恥。不以無
財為病。自非大賢篤志。與道汗隆。孰能如此乎。余素
愛其文。不能釋手。尚想其德。恨不同時。故加搜校。粗

開情賦未免
有男女之思

結尾一段不
惟意思備足
抑且詞法峻
肅

為區目。白壁微瑕。惟在閒情一賦。楊雄所謂勸百而
諷一者。卒無諷諫。何足搖其筆端。惜哉。亡是可也。并
粗點定其傳。編之於錄。嘗謂有能觀淵明之文者。馳
競之情。遣鄙吝之意。祛貪夫。可以廉。懦夫。可以立。豈
止仁義可蹈。抑乃爵祿可辭。不必傍游泰華。遠求柱
史。此亦有助於風教也。

羅大經曰。此序以不伎不求為明達之用心。最得調。

明心事而精思粹語更疊疊不窮

王世貞曰。意不在酒之句。調明千載。知已。

張以忠曰。語都名勝。爛如披錦。

江淹詣建平王上書

文自鄒陽來却清楚然磊

落激切處不

及之也

昔者賤臣叩心飛霜擊于燕地

鄒衍盡忠于燕惠王王信讒而繫之鄒子

仰天而哭正夏而天為之降霜

庶女告天振風襲于齊

庶女告天雷電下擊

景公臺隕海水又出

下官每讀其書未嘗不廢卷流涕何者士

有一定之論女有不易之行信而見疑貞而為戮是

以壯夫義士伏死而不顧者此也下官聞仁不可恃

善不可依謂徒虛語乃今知之伏願王暫停左右少

加憐察下官本蓬戶桑樞之人布衣韋帶之士退不

飾詩書以驚愚進不買名聲于天下日謬得升降承

明之闕出入金華之殿何嘗不局影凝嚴側身局禁

仁不可恃二語接上信而見疑貞而為戮

魏應行咏有曹植之澹雅

梁極綺繡有
江淹之孤寂
皆可貴也

筆致新爽

古今文苑

卷八

三

者乎竊慕大王之義復為門下之賓備鳴盜淺術之
餘豫三五賤伎之末

抱朴子軍術曰大將軍當明案九宮視年在宮常執三居五五

為死三為生能知三五橫行天下

大王惠以恩光顧以顏色實佩荆

卿黃金之賜竊感豫讓國之士分矣常欲結纓伏劔

少謝萬一剖心靡踵以報所天不圖小人固陋坐貽

謗缺

缺毀也即缺字

迹墮昭憲身限幽圉履影弔心酸鼻痛

骨下官聞虧名為辱虧形次之每一念來忽若有遺

加以涉旬月迫季秋天光沉陰左右無色身非木石

與獄吏為伍此少卿所以仰天槌心泣盡而繼之以

血者也下官雖乏卿曲之譽然嘗聞君子之行矣其

語俱步驟史
遷而掉筆故
妙

至此方見得
其罪分明

上則隱于簾肆之間。臥于巖石之下。次則結綬金馬
之庭。高議雲臺之上。退則虜南越之君。繫單于之頸。
俱啓丹冊。竝圖青史。寧當爭分寸之末。競錐刀之利。
哉。下官聞積毀銷金。積讒磨骨。遠則直生。取疑于盜。
金近則伯魚。被名于不義。直不疑同舍郎疑其盜金
第五倫字伯魚人言其旁
婦公不過
從兄飯彼之二子。猶或如是。况在下官焉。能自免
昔上將之耻。絳侯幽獄。名臣之羞。史遷下室。至如下
官。當何言哉。夫以魯連之智。辭祿而不返。接輿之賢。
行歌而忘歸。子陵閉關于東。越仲蔚杜門于西。秦亦
良可知也。若使下官事非其虛。罪得其實。亦當鉗口。

摧懷之言益
復忼慨

宋建平王景
素好士淹隨
在南兖州廣
陵今郭彥之
得罪辭連淹
繫州獄中上
書景覽書即
出之

吞舌伏七首以殞身何以見齊魯奇節之人燕趙悲
歌之士乎方今聖曆欽明天下樂業青雲浮洛榮光
塞河西泊臨洮狄道北距飛狐陽原莫不浸仁沐義
昭景飲醴而下官抱痛圓門含憤獄戶一物之微有
足悲者仰惟大王少垂明白則梧丘之魂鵲亭之鬼
無恨于灰骨晏子春秋曰景公田于梧丘夜夢五丈
夫倚徙稱無罪公問晏子曰昔先公靈
公出畋有五丈夫來驚獸悉斷其頭而葬之命曰夫
丘命人掘之五頭具在公令厚葬之交州刺史周
敞行部至鵲亭夜有婦人來告寃曰妾夫亡妾欲
還鄉行至此為亭長龔壽所殺埋井中敞掘之果然
不任肝膽之切敬因執事以聞

樓 昉曰此書當兼任安會宗孟容三書看規模布

置雖同然心曲間事自有各別子長未免
豪放楊惲未免忿怨子厚未免文飾此書
自始至末似無不平處須是子細詳味方
見得文通託此自雪若悲惋悽愴之態當
于恨賦見之

張以忠曰文情激昂而實婉宕格韻俱高

古今文編

卷八

李





